

Awusonekeli kudi Jon na Judith Witt

Mwakukeñela nikuzatila Mukala
Weyi kuhitila Munsañu Yayiwahi

Keñaku Mukala Weyi

Keñaku Mukala Weyi

Mwakukeñela nikuzatila Mukala Weyi kuhitila
Munsañu Yayiwahi

Yikunku lkumi yakudiza mwizanvu yaloñeshewa kulonda
kukwashaku ana ashakama munyikala yamu Africa
akeñi nakuzatila maluña awu nansañu yayiwahi.

Awusonekeli kudi Jon na Judith Witt

Kusoneka kwa Muchiwana, kwawahishiliwu
mukakweji ka April muchaka cha 2020

**Keñaku Mukala Weyi, Kusoneka kwa Muchiwana,
kwa mukakweji ka April muchaka cha 2020**

Kusoneka na nshimbi © Jon na Judith Witt na Dignity, muchaka cha 2020.
Nshimbi jejima jahembewa

Mukuyiwaninina aka Dignity

Na keyala ka positi: 6 Barlow Moor Road, Didsbury, Manchester, M20 6TR, UK

Na keyala ka imelu: hello@dignityonline.org.uk

Na keyala ya foni: +44 (0)7340 573 937

Kusakilila

Aka Dignity anakusakila kudi Yesu ha chihadilu chanayikiyi ichi chituheshi
nakuchitwala hewulu mudi iwu mukanda. Aka Dignity adi nakusakilila kudimuntu
wudi wejima nawa nakukuhwelela ana ahaniniku jimu kudi iku kuzata.

Kuzata kwawa aka Dignity

Aka Dignity adikwatang'a na nawa ekala haji ya soyayati nawa adihana kuhipa
mawumi hanu na nyikala kulonda kuleta kuwunda kufuma kuzala kuhitila
muwumbwabu na Yesu. Twahwishang'a mwenimu mwanyanya kuhitila mwi Izavu da
Chihadilu, yamunyikala ya twamininang'awu kudi aka Kwitiya amu tumazavu twa
munyikala yina yekang'a antu kulonda kuzatila mukamwihi na Yesu nawa ana
amwekeshang'a kukeng'a kudi na ayikung'uluka wena. Kuhitila mukuzata tunamoni
antu kushakama muwumi wakuhayamisha nawa akakwikala amu amudi
yakumwenaku yaifuku dejima. Wanenu jajivulu kuhitila hadi iyi keyala
www.dignityonline.org.uk

Izavu dading'I mudi Keñaku Mukala Weyi

Atangf'I walong'a: Kate Germany, Robert Nettleton, Isaac Mbabazi & Clare Myring
Kumwekesha: Amani Brown

Nyikuku Yamu Bayibu

“The Bible” in Lunda: Ndembu. (Mukanda wa Nzambi mu Lunda: Ndembu), United
Bible Societies 1962. UBS-IRS2002-1M-053

Masayini Akumwenaku

Masayini Akumwenaku ayitung'ili na wa aka Metulo Koni Mwakwimbila 5 ayiletili na
wa SyncFusion. Yakumwenaku ayizatishang'a nakulomba.

Chidi ‘Keñaku Mukala Weyi’

Keñaku Mukala Weyi mwekala yikunku Ikumi yakutaña yinafwili kukwashaku eyi hamu nizanvu dawamabwambu eseki mwakukeñela Mukala Wawu chikupu nansaňu yayiwahi. Iwu mukanda wukukwashaku eyi kwiluka muloňadi chiwatela kudiňijamu muchituňilu chenu nakukwashaku eyi kutoňojoka muwatela kuchilila. Bayibu yinatwinki yifukula yalema yakwila neyi tuhanjeka hamu nakusha Yuma yejima munyidimu yikutukwasha kuhimpa iluňa detu hitwashakama.

Chidi Iwu Mukanda

Iyi yuma diyu yimu yamudi oyu yinakwedesa kulonda kutiyakesha mukayi ketung’ a dejima. Kuhanda kwamaana kunakutumbewa chayinu mpinji momukachi kanyikala yantesha yamu Zambia nawa yinakutanda munahiti ituňa dejima nimumatuňa twadikuma nawu.

Akakristu hamu nichituňilu chidi mwakamwihi ayiletaña hamu kulonda kutaña Bayibu, kukula muwuntaña wawu nakristu nikudiza mwakutuňila chambu chamu maluňa awu ashakamawu. Ansoneki yaniku kudiza anakuhweleli nawu kubadika kuleta antu amavulu hamu nimaheta kufuma hanji yetuňa, komana maheta niantu anakukeñeka hakutachika kutuňa ichi chambu munyikala yekala mu Africa atela hohu kuwanewa munyikala yayenayu.

Tunakuhweleli netu awa antu akwikala ‘Nyikaabu Yakuloňa kwaňovu’ mukachi kayituňilu yawu aweni ni amabwambu jawu. Muwihi tunakukeña kutumba nyitondu yeniyi yayivulu kweseka nakufwila kwetu neyi chinatwesheki nakuyikwashaku kukula mwamuwahi tuyikwikalila.

Hadi Ansoneki

Jon Paul Witt naňodindi Judith Witt chayinu mpinji ashakama nanyanawu asatu ku Mkushi, munu muZambia. Atwamininaña mudimu waluwi

watenañawu nawu Dignity wekala munu mu Zambia namu UK. Jon nazati mumatuña amavulu amunu mu Africa neyi mukakutañisha mazu aNzambi mu United Kingdom. Jon wekala na MA mu Theology nawa nihakutachika muwumi windi wazatilihu neyi Software Engineer.

Judith wekala Ndotolu Wayihemba nawa mama walema kudi anyana asatu. Nazati hadi yaaka yayivulu mu United Kingdom neyi General Practitioner, nawa nazati cheñi mumatuña amavulu amu Africa hajimishoni.

Ejima wawu adi nakufwila kwakumona nyikala yamu Africa yinahimpiki kuhitila moñovu yansañu yayiwahi nakuzata kuhitila mudi ana ashakama munyikala, mujikomponi nimuyikalampata yamu Africa.

Hadi Dignity

Dignity ayitachikili kudi Jon namabwambu amu mu 2007 nawa adihanahu hakukwasha ma Church Amunyikala hamu niyituñilu yekala muAfrica yikulili mu maana na kukeña kwa Nzambi. Tunakuhweleli neyi chikwilawu antu ichi, akutachika kuya chintampu hambidi nachikuhwelelu, kumikila nikukeña kukuleta kuhimpika kukutiyakana mukaayi kawantu nawa.

Kukeña kwa Nzambi nakuhimpika kwtwalekañahu nakuleta kuhimpika munyichima yamu chituñilu hamu nimudi antu amayala nawambanda. Kufwila kwa Dignity kudi kwakutumba chuma chinateni Bayibu nawu, ‘Nyikaabu Yakuloña kwañovu’, mumukala wejima mu Africa. Tunakuhweleli netu antu wenawa akwikala ana akuzatishawu kudi Nzambi kulonda ahimpiki nakuwahisha chihandilu chawejima nakwikala chachiwahi, hanu heseki nimumawulu.

Iku hikufwila kwantesha wanyi nawa tunakulomba wukwashi weyi kulonda chimwekani.

Yuma Yidimu

Mwakuzatishaila iwu mukanda.....	1
Kuhemba anyanya chiwahi henohu adi mwi Izavu da Chihadilu	6
1: Nzambi Hikukeña	7
2: Kukeña Kwa Nzambi Kwasendaña Nyidimu	13
3: Wudi Mwana ka Nzambi	21
4: Hanaku Neyi Chipompelu Chaku Masidoniya	29
5: Nzambi Nakukoña Mumukala Wenu	36
6: Mazu Hohu Hiyanashikiliku.....	44
7: Nzambi Watwinkaña Etu.....	52
8: Chikuhwelela – Twatela Tuchiteji	59
9: Kukalakesha Ntalenta Yeyi.....	67
10: Kukeña Kwa Nzambi Kwatandaña.....	74

Mwakuzatishaila iwu mukanda

Iwu mukanda awutung'ili kulonda kuwuzatisha neyi izavu dakudizalamu. Ching'a hohu muntu wunakutwaminina ntang'ili diyi watela kwikala na iwu mukanda. Mwatela kwestika kuhwisha ntang'ili yidi yejima kufuma hadi ntang'ili yakutachi nashika yadi yitanu hadi hohu maola ayedi. Neyi munachiwani nenu chidi chachilehi, mwatela kuhwisha ntang'ili yimu hadi nyilung'u yiyedi.

Tuneluki netu henohu mudi nakudiza hadi iyi yuma mwatela kwikala na njila jimu jimwatela kuzatisha mu nyikala yenu. Kamana etu tunakuyikwasha enu netu mwatela kwila nakuzata mwenomu nawa zatenu na wudi wejima imwatelakuzata nindi. Mukala wenu watela kuhipika nanenu chahamu na wamambwabu hamnu na chisaka chenu. Na Nzambi mwatela kwila yuma yakuhayamisha yahadi wudi wejima mu mukala wenu.

Mwatela kutwaminina ntang'ili

Chekala chuma chasweja kulema enu kumbobamu wudi wejima mu ntang'ili. Hichekala chuma chaswayi chakutang'a ntang'ili nawa nikuleja antu yuma yatelalawu kwila. Tweluka netu muntu wudi wejima wukweti yuma jimu jimu yamukuma yatelayi kuhana nawa Nzambi watutang'ishang'a etu kuhitila mudi ana atukung'ulika etu. Kamana, iyi ntang'ili ayisonekeli mudi njila yatela antu wejima kumumbobamu mwejima. Kudi mavesisesi akwanuka, mahwihi, yisela, nsang'u na yakutiyang'ana yatela wudi wejima kwikalamu.

Neyi itwamina we izavu mwaytela kutwaminina kuhosha nawa ni ku kwasha kulonda yedeli munjila yayiwahi, ilang'a himwatela kwila yumna yejima kakawenuku.

Mwatela kukwasha antu ana atiyang'a nsonyi nawa nan ekala amweena kuilonda nseke nawa nseki kuhosha neyi anatweshi. Mwatela kuyikwasha

antu ana ahoshelang'a hewulu nawa ahoshang'a nankashi kulonda eki antu amakwawu kampinji kulonda adazang'eni yitong'ojoka yawu ni wena nawa.

Yuma yiumwatela kwikal a nayu mudi ntang'ili yidi yejimma

Iyi ntang'ili ayilong'esha mwapela nawa himwatela kukeng'a maheta amavuluku. Mwatela kukeng'a:

- Chimbalu cha mukanda iwu cha muntu wunakutwaminina iyi ntang'ili
- Mukanda wa Nzambi (Neyi chidi chakukwashana neyi antu atesha mwei izavu atela kwiza na Mukanda wa Nzambi niwena, ilang'a hichuma chalemaku)
- Nsonekeshu nawa ni impepala, yuma yaswaja kuzatishewa mu yisela. Mwatela kukwasha antu kulonda ezeng'a na iyi yuma kufuma kumatala awu.

Masayini akuyikwasha enu

Kulonda kuyikwasha enu kutwaminina iyi ntang'ili tunambombimu masayini kiulonda yiyikwashi enu chambalu chidi chejima chichidi. Masayini anayimwekeshi heshina hamu nanochu chichinalumbuluki. Wanenu kampinji kulonda muyiliki ochu chiyinalumbuluki nawa talishenu kuhitila mudi ntang'ili yatesha kulonda mumoni ochu masayini chinayizatishiwi. Ichi chikuyika enu kumpela henohu munakuytwaminina ntang'ili.



Yuma Yakufwila Kwila

Ntang'ili yidi yejima yatachikang'a na yuma yakufwila kwila. Ichi chikuyimwekesha enu oyu yuma yimunakukeng'a kutang'isha kwi izavu nawa ninojo wudi wejima chatelayi kuyiluka neyi anazatili dehi ha ntang'iliu. Mwatela kuyisha iyi mu yuma yakufwila kwila mu maana enu nawa mwatela kudihula enu aweni neyi munakukwasha antu kulonda yishiki mudi wena. Yekela yitong'ojoka yayiwahi kulonda kutachika na kwazang'a iyi yuma na izavu.



Mavesesi Akwanuka

Wudi wejima watela kudiza mavesesi akwanuka nawa chatela

kuiywana yayovu kulonda kuyanuka na kushika nikukumisha kwa ntang'ilu. Mwatela kuyitang'isha wena na kutang'a mavesesi akwanuka hamu na njila ja mu Mukanda wa Nzambi hewulu kwi izavu. Nawa yitang'enu cheng'l ilang'a hadi yinu mpinji yitang'enu chati chati, mu yimbalu yanyanya, itejenu izavu kufutishawu hadi ichi chambalu henohu nakulondela enu. Futishenu mudi ichi ha mpinji yeneni mudi ichi chambalu ne izavu na kufutishang'ahu hadi chimbalu chidi chejima kulonda wudi wejima elukishi vesdiu yejima kwakumbula enu kuyikwasha. Kwashenu antu amakwawu kulonda eseki na kufutishawu hakakawawu.



Nsang'u

Nsang'u yekala njila yasweja kuwaha kuletelahu mutu wasang'u nawa ni kudizalahu yuma yadifwana. Wudi wejima watiyang'a muzang'alu hakutiya nsang'u mnawa yekala yampela kuyanuka! Neyi munashimuni nsang'u kwi izavu, mwatela kweseka na kuyileta kuchihadilu na kwikal achesela. Neyi hadihu wumu wejima mwi izavu denu wekala wamuwahi mukushimuna nsang'u. Chatela kwikal chachiwahi kulonda mumwihuli yena henohu ntang'ilu kanda yitachiki nawa mwikenu mpinji kulonda adilong'i.



Maana amu Mukanda wa Nzambi

Ntang'ilu yidi yejima yikwetihu njila yimu yamu mu Mukanda wa Nzambi yakutang'a, yikwawu yikweti yayivulu. Neyi hadihu antu mwi izavu denu ekala amawahи mukutang'a mwatela enu kuyihjula kulonda ayitang'ilihu enu. Mwatela kuyihwila dimu kulonda niwena adizimu hekwawu atela kuhosha nawu hiyakukeng'a kutang'aku. Anukenu nenu antu amakwawu hiyatela kutang'aku kamana yihulenu hamesu awantu mpinji yatelawu kukanawu chatela kuyiletela kuheng'a kudi wena.



Kuhosha

Mwekala yimbalu yimu yatela kuyitang'a hewulu kufuma mudi iwu

mukanda. Neyi nakuya nakuhiti mudi iyi mwatela kufutishawu ha mpinji ha mpinji, nankashi hana hadi yuma yalema, nawa mwatela kwihula antu neyi anachitiyi nakwilukisha hadi oyu yinahoshi. Neyi hinachitiyiku, mwatela kufutishawu hadi ichi chimbalu hela mwatela kytiyang'ana muyuma yatela kuyikwasha wena kwiluka.



Tiyanganenu Nakudihula Mahwihi

Kwhihula mahwihi nawa ni kutiyang'ana hadi yuma yimu kwakwashang'a antu kudiza nakutohesha yuma jimu yawu awenanwu. Ichi chayikwashang'a aweni kuyanuka iyi. Neyi munamoni sayini yaha lwihi chekala chalema nawa mwatela kwihula izavu lwihi nawa ni kuyikwasha antu atesha ambuka kulonda ahani kwakula kwawu. Mpini jikwawu malwihi ekala akuytiyang'ana mudi tuma izavu twanyanya. Neyi ntanbg'ilu yinakuyileja enu kwila mwenimu, kamana mwatela kwazang'ana antu mudi izavu da wantu asatu hela awna nawa yikenu mpinji kulonda atiyang'ani hadi lwihi. Neyi izavu dejima dinafuti dehi chahamu mwatela kuyika mpinji he izavu didi dejima kulonda azang'ani yuma yimu hela yiyezi yalala hadi oyu yatiyang'anawu.

Neyi hadihu malwihi amavulu hela njila ja mu Mukanda wa Nzambi oju antu jinakukeng'awu mwatela kukwasha wudi wejima kufuma mwi izavu kulonda akopi jipichicha ja malwihi nakuzatisha jifoni jawu hela along'esheli dimu na kusoneka hayimpepela yikwawu ya malwihi.



Yisela

Antu adizang'a kuhitila mukuhema nawa ni hakwila yuma yimu yimu. Yisela yakwashang'a iji kumwekana. Mwatela kumbobamu wudi wejima mudi yisela nawa yikwashenu wena kulonda awani yisela henohu nakwila mwenimu!



Kulomba

Yuma Nzambi yahoshang'ayi na wantu yekala yasweja kulema. Tunakukeng'a kukwasha izavu denu kulonda dilombeng'a na wu nawa hadi wumu namukwawu hejima owu hakukeng'eka. Neyi

munamponi iyi sayini mwatela kwihula antru kulonda alombi. Kwekala njila jamboka jakulombelamu jazatishewang'a kuhitila mudi iwu mukanda. Mpинji jimу izavu adihulang'a kulombela chahamu, mpinji jikwawu mutu ma izavu twanyanya mpinji jikwawu mukudimbomba. Mpинji jikwawu antu ayihulang'a kuheshela hewulu kudi Nzambi nawa mpinji jikwawu antu ayihulang'a kulkombela mwamwena. Chekala chasweja kulema kushamu mipinji yayiwahi yakulombelamu nawa kwashenu antu kulonda atiyilili oyu yuma Nzambi yinakuhoishayi.



Yakumwena kulonda etu kulondamu

Chakumwenaku cha wantu amakwawu chatela kuyiletela kufwila nawa nikuyikwashi enu. Mudi mulung'u wudi wejima tukutang'a hadi muntu chihadilu chidi chatela kwikala chakumwenaku kudi etu.



Jakwila mudi wunu mulung'u

Mudi mulun'gu wejima mudi yakuzatilahu kwitala ya wantu kulonda azatilihu. Mwatela kuyileja chiwahi kulonda antu ayilikishi nawa yikwashenu antu kulonda azatili hadi iyi mudi wunu mulung'u. Hakutachika kwa iyi ntang'ilu, mwatela kwiteja antu mpinji jimу ashimuni neyi aneli yuma yimwayikeli kwila nawa ninochu chiyedeli.

Njila ja mu Mukanda wa Nzambi na nyikanda

Neyi munamoni ijina nawa ni nambala analeng'ihu mujing'ilu neyi ichi Masamu 1:4-6 yinakuyifwanisha enu kudfi njila ya mu Mukanda wa Nzambi. Ichi chimu chinalumbuluki kudi enu nawu tang'enu kufuma mu mukanda wa Masamu chapita 1 na vesi ya 4 nakushika ku 6.

Kuhemba anyanya chiwahi henohu adi mwi Izavu da Chihadilu

Chahamu twatela kwiza na yuma yimu yampela nshimbi kulonda anyanya etu ekali chiwahi hela adi kumatala hela adi nanetu kwi Izavu da Chihadilu. Iji nshimbi jekala jalema jatela kujizatisha kumalung'a amakwawu amuwumi went nawa. Hela tunakuzata mu madimi etu, ha chipompelu hela nawamambwabu jetu, Nzambi nakukeng'a etu kuwana mwalala netu anyanetu adi chiwahi.



Wudi wejima wawanikang'a kwi izavu watela kumona nawu anyanya adi chiwahi kumatala etu nawa nakutalewa na muntu wayimonang'a hela waletang'a nyaninidi nayena.



Itwamina watela kunukisha mamembala eizavu kulonda amoni nawu anyanya adi chiwahi kumatala awu nawa anakutalewa na muntu wayimonang'a nawa watambwilang'a anyana kwi izavu.



Wudi wejima mwi izavu wazatang'a na wa nyana watela kuzata kakawidiku ilang'a na muntu wumu hela ayedi hela amavulu. Neyi adi ayedi, hitela kufuma ku chisaka chimuku. (Atela afuma kuchisaka chambuka.)



Ana azatang'a na wa nyana mwi izavu atela mpinji yejima kuwanikang'a kwi izavu hadi tukweji tusatu.



Atwamina eizavu hitela kukopa jipikicha ja wanyanaku neyi anadombombi muyisela ya mwi Izavu da Chihadilu.




Neyi anyana anakudizang'ena yakudya ha miting'l, mwatela kumona nenu nakudya yakudya yidi chiwahi.



Mamembala amwi izavu anakuya nakumona yisaka yawu atela kuya adimbomba, chakumwenaku amayala ayedi atela kumona amayala hela ambanda ayedi atela kumona ambanda.

1: Nzambi Hikukeña



Kufwila

Nikufwila kwakudiza kwamulungu wunu kwamamembala a mwizanvu adiluki wumu namukwawu, nakudiza yuma ya Nzambi, yena kukeña. Chatachi, shilakumu kapinji kanti kulonda muntu himuntu ekali hamu namukwawu mwizanvu.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Dichi yikwashiku adizi nakulondejamu nezu dahewulu kapampa kakavulu. Chakwila izanvu dilondejimu mudi eyi.

*Etu tuneluki, tunetiyi kukeña kwa Nzambi kwanatukeñyi.
Nzambi diyi kukeña muntu washakamaña mukukeña
washakama mudi Nzambi, niNzambi washakama mudi yena.*

1 Yowanu 4:16



Kwiluka Yuma Yamu Mukanda Wajila

Tañaku nyikuku yamazu amumukanda waNzambi adi mwishina kudi wejima wudi mwizanvu. Hinsaňu ya Yesu chadiňiyi nawushona hadi antu amavulu.

Yesu wukweti wushona chacheni chakwila munsaňu yimu watachikili kudililaku mukala.

Kututaňisha chekalayi Nzambi, kakavulu Yesu wadiňa nakukalakesha nsaňu. Ninsaňu yeniyi anayiteni nawu yishimu. Yakalakeshaňa nyevulu yahefuku hefuku kulonda kutukwashaku etu kutiyisha chekalayi Nzambi.



Nsaňu Yamukoku Wajimbeli Tañaku (Luka 15:1-7)

*Ansonkeshi ejima niakwanshidi hiyakukundama kwakwihi
nayena kulonda amutiyi. Afwarisi nawansoneki hiyakutoba
nawu, iwu muntu watambulaña akwanshidi, hakudya nawu.*

*Yesu hakuyitila chishimu ichi nindi, Mwinenwinyi wukwila
neyi wukweti nkulakaji yanyikoku, hajimbala wumu,
wukubula kushiya owu makumi atanu nawana nanyikoku
yitanu nayiwana mwisaňa, hakuya nakukeñaakeña owu
najimbali, keñe-e nichakumuwanayi? Chakumuwanayi,
wukumusha hamafwiji nakuzaňalala. Chakushikayi kwiindi,
hakutambika amabwambu jindi niakwawu atuňayi nawu
kwakwihi, wukuyila nindi tuzaňalalenu enu akwetu, Mukoku
wami wajimbala namuwani dehi. Nukuyileja nami, mwiwulu
neyi akumonamukwanshidi wumu nabalu mukwanshidi mumuchima,*

*mukwikala muzañalu wakubadika muzañalu wakuzañalala
namakumi atanu nawana awantu aloña anabuli nsañu
yakubalumuka mumuchima.*

Mumukanda wa Matewu, iku kukeña kwaNzambi kwekalayi naku hadi anyikoku yindi, awa diwu antu ejima atunyeñumuka etu. Chinamwekeshewi hadilililiyi antu amumukala wa Yerusalem, chamafuku anu nawu Isarela.

Tañaku Matewu 23:37 hewulu nezu datiyakana kudi izanvu.

*Eyi Yerusalem, Yerusalem, wajahaña atuprofwetu,
waasaña malola antu akutemeshelañawu, O mapampa
kuvula Inakeñeli kukuñwija anyaneyi neyi chakuñwijañayi
chaadi anyanindi mumpula jindi, enu kwenu kwonti kwenu.*

Yesu washinshikili hadi mukala wa Yerusalem, hakwanakana nshidi yawantu. Wamweni chejima chadiñi nakwilayi muntu. Hela tuhu ajahili atemesheluwu kudi Nzambi. Wakeñeli kuyikuñwija neyi chakuñwijañayi chaadi anyanindi mumpula jindi. Wadiña nawushona hadi wena.

Yena wenzelihu nakuhila? Wakeñeluhu kujilumuna mukala? Inehi! Wenzeli nawushona hadi antu adiñimu muna neyi chaadi chakasumbi.

Kakavulu munyikala, etu twahelaña “akwanshidi.” Etu twayisompeshaña nakuyihisha nanyiloña. Hitwakeñaña kwila chuma nawenaku. Twayihañaña kufuma muyipompelu yetu hadaha nimunyikala yetu. Ichi hidichu chadiña Yesuku.

Yena wayimweni nindi adi nakukeñewa, kuhembewa, neyi tunyana katusumbi, indi kwiji neyi mukoku wunajimbali muchina chishimu, atusumbi amwekeshaña wumama wawuwahi. Hela tuhu kanda

ateeti mayaa, ashakamaña hamayaa/mateeta nakuyihemba neyeena. Neyi tunyana tuchidi twanyanya atudyishaña nikutukiña mumpuula jawu niYesu wudi chochimu nawantu jindi.

Hela neyi etu tunavulumuni nakutemuka kufuma kudi Nzambi, yena wakeñaña kutwiluka nikutuhemba etu.

Chilobu mukwanjila ya Yesu atambikiliwu nawu Pawulu Kapositolu, wahosheli ichi hakukeña kwa Nzambi mu Aroma 5:8;

Ilaña Nzambi wamwekeshaña kukeña Kwindi yomweni kudetu, hohitwachidiñi akwanshidi Kristu watufwilili.

Nzambi hahembeleleli kulonda etu twikali aloña chikupu kudi yenaku. Hahembeleleli kulonda etu tuhoshi netu chatamaku. Watufwilili hitwachidiñi akwanshidi nakubula kumwanuka.



Mpanji

Ikalenu mutumazanvu twanyanya twawantu asatu hela awana. Hanjikenu hanawa malwihi.

- Nsaňu iyi yikutudizisha yumanyi etu hakukeña kwaYesu? Indi kukeña kudi neyi yikahi?
- Mpinqinyi yiwatiyili chalala kukeña kwaNzambi muwumi weyi? Shimunaku kudi akwenu amwizanvu nawa.
- Indi etu twakeña antu elaña yuma yatama hela atuhela?
- Chekala chakala kukeña antu hela kosi nichiwunatambuli kudi wena?



Kulomba

Ikalenu mutumazanvu antu ayedi hela asatu nakulomba. Muntu wejima watela alombeleli hadi iyi yuma.

- Musakili Nzambi hakukeña Kwindi hadetu.

- Musakilili Yena hela neluki yuma yatama yiwafukulaña niywelaña ilaña saña akukeñelayi eyi.
- Yilombeleluku hamajina ninana ahelawu, hela amonawu nawu hiyakwanshidi mumukala wenu.
- Musakilili Yena nanichi chanatuwumbuwu wejima wetu mwaboka chakuhayama.
- Musakilili Yena nanichi chatukeñayi nikutuhemba neyi tata walala.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

*Etu tuneluki, tunetiyi kukeña kwa Nzambi kwanatukeñiyi.
Nzambi diyi kukeña; muntu washakamaña mukukeña
washakamaña mudi Nzambi, ni Nzambi washakamaña mudi
yena.*

1 Yowanu 4:16



Mwevulu wakwila etu Tulodejumu: Mama Teleza

Shilañenenu aka kaheka nawantu ejima kulonda kuyikolesha.

Mama Teleza wadiñi Katolika wasemukulili mu Albaniya ilaña wahandilili kakavulu mu Kawukata, Indiya nakukwasha akaba. Chatachi yena washakamini hamukala wamazu a Nzambi. Illaña yena watiyili Nzambi hakuhosha nayena nindi shiyaku yayiwahi kwenoku, wuyi nakuhanda nakukalakela mudi antu abula niyakudya, akwa wumi watama akabakana nankashi.

Chadiñi chakala hakutachika, hadiñi hela namaliku. Amutesheli kulonda afunti tuhu kwiluña dakuhanda chatelela chaswayi muwumi hamukala wamazu a Nzambi. Hela chochu yena saña atwalekelahu nakushakama nikulemesha wumi windi wonsu nakukalakela

atuzweñi. Yena wachikuhweleleli chikupu nindi neyi wuneluki Kristu chikukwashaku kuheta mukuhanda kwawumi nakwinzesha chashikila, kulonda wutweshi dinu kukwasha amakwawu antu chakubadika. Watachikili mashikola, mukala wawatushali. Maluña anana adiñi nambumba nimukala wakuhembela ana asweja kukata kwakamwihi nakufwa. Watwalekelihu namudimu wawatuzweñi nikukushika kwakwihi nakufwa kwindi hadiñiyi nyaaka 87 yakusemuka.

Waheni kuhanda kwawumi windi nakukwasha ana akadikija chakutachika, nkumininaku yamwenindi. Welili mwenimu muloña Kristu Yesu washakamini muwumi windi nakumukwasha kuchila.

?

Mpanji

- Indi nsañu yamama Teleza yinakukwashuku? Yinakukwashiku ñahi?
- Wunatoñojoki neyi majila yadi munyikala yetu twatelela kwikala neyi mama Teleza?
- Ichi tukuchila ñahi?



Yakwila Wunu Mulungu

Mulungu himulungu wudi nayakwila yiwanatweshi kuzatila kumukala. Iku kikalakala kwakumukala kukutukwashaku kukeña antu munyikala yetu nakutudizisha etu kwikala nampuhu mwiluña mutwashakamaña. Iwu mulungu mwakahumañana nakulomba. Mwakahumañana nakuhanjika nakushilamu mpinji. Neyi munahumañani hadi ora, himpinji yinashikili.

Chimukuhumañana, kalakeshenu mpinji yekwawu nakuhosha chimwatela kumwakesha kukeña kwaNzambi kudi antu adi munyikala yenu. Cheñi lombenu hayuma yimunahanjeki nakumulomba Nzambi ayikwashiku bayi nakuyileja chakwila hohuku, ilaña nimwakuchilila nawa.

2: Kukeña Kwa Nzambi Kwasendaña Nyidimu



Kufwila

Kuchitiyisha netu Kukeña kwa Nzambi kwatela kudimwekesha kwakweni nakukoñahu yuma chikumwekana kudi antu adi mumukala weyi.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

*Chamumweniwu himuntu, hakudizoza,
hakovwahila ho-o,
ndo nikukufwa,
eña kwokufwa kwakukulusu.*

Afwilipu 2:8



Kwiluka Yuma Yamu Mukanda Wajila

Nsañu yamumukanda wamazu aNzambi yidi mwishina danawa mazu yinakutena kufwa kwa Yesu hakulusu. Mukanda wamazu aNzambi wunahoshi nawu, Yesu wamwekesheli kukeña kwindi hadi etu chakukalakala hatooka nyidimu. Ihulaku wejima mwizanvu ajibalali hamesu awu chiwukutañaña nsañu, achifukuli neyi anakuchilila wena.

Tañaku mazu awa adi mwishina kudi ejima adi mwizanvu.



Nsañu Yakumupopela Kukulusu (Maku 15:16-39)

A mashindika amukabishili Yesu

Mashidika hiyakumutwala mwibulu dawu datenañawu nawu, Paretoriya. Hiyakutambika chendu chejima chamashidika. Hiyakumuuvwika ihina dawusombu, hiyakutuña chibaba chanyiña, hiyakuchisha kumutu windi; hiyakutachika nikumwimusha nawu, Kalombu, eyi mwanta wawa Yudeya! Cheñi nawa hiyakumweta kumutu neteti, hiyakumufwijila mazeñi, hiyakufukama nakudifukula kudi yena. Chanamanishiwu, hiyakumuuvwika cheñi ihina dawusombu, hiyakumuuvwika cheñi mahinindi. Kufumahu hiyakumutwala nakumupopela kukulusu.

Kupopela Hakulusu

Hiyakukwata muntu wadiña nakuhita, yowu Shimon i waku Kereni, tata yawa Alexanderi na Rufusa, wadiña nakufuma mwisaña, ayinawu amusendeliku kulusu yindi. Hiyakumuleta kwateraña nawu ku Gologota, (chaya mukwila nawu

kuchañu). Hiyakumwinka vinyu yakubombashana namora; ilaña yena hayitambwiliku. Hiyakumupopela kukulusu; hiyakudipañila mahinindi nakudisakwila nachinjikijilu chakudibecha hamuntu hamuntu.

Hadiñi haora yamuchisatu hamupopeleliwu hakulusu. Mukanda wamuloña windi washiliwu hewulu, asonekelihu nawu, MWANTA WAWA YUDEYA. Hiyakupopela atupondu ayedi kumakulusu awu hamu nayena; wumu kuchikasa chindi chachidiili, mukwawu kuchimunswa. Nyikanda yajila yelawu nawu, amuchindilili kumu nawakwanyiloña, yilumbuluka nikulumbuluka. Antu adiñi nakuhita hiyakumutukola nakumuheMBOLA nanyitu yawu nawu, ‘A-a, Eyi wasandaña tembeli, hiwukuyituña cheñi mumafuku asatu, damwini, sulukaku kukulusu.

Chochimu nawa niakulumpi jawatupristu amuseheli nawu, wamwinini akwawu, yomweni hanatweshi kudamwinaku. Mulekenu Kristu Mwanta wawa Isarela asuluki kukulusu katataka, tumoni kulonda twitiyi. Ninawa apopeleliwu kumakulusu hamu nindi amuhosheli chatama.

Kufwa kwa Yesu

Chiyashikili ora yamuchitanu nayimu, mwikala nimwidima mwituña dejima, kushika nikuora yamuchitanu nachiwana. Haora yamuchitanu nachiwana, Yesu hakubilela nezu dañovu nindi, Eloyi, Eloyi lama sabakatani, chaya mukwila nawu, Nzambi Yami, Nzambi Yami, wunanshilidi kankawami?

Amakwawu emeniku chanatiywu, hiyakwila nawu, “Tiyenu hakutambika Elija.”

Wumu hakuya lufuchi nakwinzesha sponja nawalwa wabatuka hakuyisha kwiteti, hakumwinka anwi, nindi, “Mulekenu tutali neyi Elija wukwinza nakumukuula.”

Yesu hakubidika nezu dañovu atula niwumu windi.

*Ihina dadiñi dakujika mutembeli mwajila ditabuka nihakachi,
kufuma kwiwulu ndo nikwishina. Senturinu wemeniku
hatalañana nayena chanatuliyi wumi windi chochochu, hakwila
nindi, "Chalala muntu iwu wadiña Mwana kaNzambi."*

Kakavulu munyikala yetu antu ahoshaña yuma yayiwahi kumwekesha kalemesha kudi mukwawu. Mpindi yekwawu twahoshaña niyuma yinabuli kwikalala yalala kuchinisha kusawisha añeji hela antaña. Kukeña kwaNzambi hikwakuminaña hakuhosha yayiwahi hohuku. Kukeña kwaNzambi kwamwekanaña nakwila chuma hadi etu, yowu kuhanan mwanindi wumu hohu yomweni Yesu hadi etu.

Neyi tukutaña ichi chibalu hakankawachu chakubula kushinshika kuyibalu yekwawu yamumukanda wajila chikumwekana chikukala. Chilobu mukwansaňu iyi nafwi dehi. Chinamani chikupu. Kukumisha nsaňu yamujiimbu... ilaña hitwatañaña chibalu ichi chakadi kutala nsaňu iyi kwekwawuku.

Mu Yowanu 3:16 Yesu nalumbululi,

*Chaswejeliyi Nzambi kukeña mpata yamunu mwishina,
waheni mwanindi wumu hohu, kulonda muntu
wukumukuhwelela aheto wumi wahaya nyaka akabuli
kunoña.*

Nzambi wachimweni nindi tudi mukukala. Hansaňu yakukala iku watwinkeli mwanindi kwikalala ifutu danshidi yetu. Watufwilili etu. Wasendeli kusompesha kwanshidi nanyiloña yetwetu.

Etu anatwilishi twikali neyi ichi. Chitukwiluka kukeña kwa Nzambi kwakweni nawa kwa longa kulonda etu tumwekesheña ku keña

kwindi nakuchilaña chikupu. Ichi chinalumbuluki kukwashaña antu nikuyikengaña wena na mwakwilila. Hakwikala mukwa kristu chakuhimpaña muntu weyi wamukachi ninichi nawa chatela kudimwekesha chacheni nanimu mu welaña ni muwahoshaña.

Kwikala mukwakristu hikuyaña hohu kuchipompelu wanyi. Nitala ditwayaña nakuhumañenaku hitala hohu. Chipompelu chalala chakuhumañena yowu antu jaNzambi akuhumañana nakwilahu chuma muwumu wejima wawu.

Kukeña kwaNzambi bayi neyi kuhosha hohuku, ilaña hichuma chikutwesha kuleta kuhimpa. Chinakulumbulula nawu chiňa tukeňi ana abulawu kukeňawu kudi antu. Chinakulumbulula nawu twatela kikalakela nikukwasha maluña etu. Hitukweti mwacheňiku. Ninichi dichi chelaňayi mukwa Kristu wajila.

Indi etu antu twadiloňesha dehi neyi wumu wahadi antu anakukeňayi kikalakeshayi kulonda kumwekesha kukeña kwindi?



Vesi Yakanaňachima

Taňaku vesi yakanaňachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akaňuka mapampa kakavulu, nakulondelamu neyi eyi wunamanishi dehi.

*“Chamumweniwu himuntu, hakudizoza,
hakovwahila ho-o,
ndo nikukufwa,
eňa kwokufwa kwakukulusu.”*

Afwilipu 2:8



Mpanji

Ikalenu mutumazanvu twawantu asatu hela awana. Hanjikenu hanawa malwihi.

- Yesu wadizozeli yomweni. Indi ichi chinayi mudihi?
- Indi yumanyi yeliliyi Yesu? Indi antu amukeňeli nayumoyu?

(Neyi hiwunachikwatishi chikupuku hayuma yeliliyi Yesu, shinshikaku kumukanda waMatewu, Maku, Luka ni Yowanu mumukanda wajila).



Mwevulu wakwila etu tulodejumu: Maximillian Kolbe

Shilañenenu aka kaheka nawantu ejima kulonda kuyikolesha.

Maximillian Kolbe wadiñi nawa amuhembeleli mukaleya kudi ma Jelemani (Germans), hampinji yanjita yakaayi kejima yamuchiyedi. Mukakweji wa Chishika muneni chaaka cha 1941, iyala wumu kufuma ku chilombu cha Kolbe wajimbeli kulonda kukañesha yitoñojoka yakutemuka kumbidi. Chinlonda chamukulumpi wachilombu wafwilili kunonahu amayala ikumi kufuma muchilombu chochimu kulonda kuyuminaña yakudya ndo nichikufawu mukapeka “Kanambala 13”, mwadiña ikabisha datama dakadi kumonañahu dehi. Nihakachi kanowu atondeluwu hadiña iyala wumu atumpa ninañovu nindi, “iñodami! Anyanami!” Kolbe wasubukili nakwiteja kuhiña mudi owu iyala.

Mukapeka mwakuhembela chakadi yakudya, yena waluñili nanyidimu yamukwakristu ifuku dejima dahita chatweshelleñayi, nikuhanaña mankendi ajila mwahitilaña itañwa. Dinkendi dahaneneñayi kudi adi mutuleya dadiñi dakadi iluñi dichi adikalakesheli kwikala dinkendi dajila. Atulama akutuleya amwinkeli yuma, hadiña ni vinyu yakalakeshelañayi neyi kaneka.

Watwaminini niakwawu amayala akijikiliwu nakufwa, mutumina ninakulomba. Chimwahitili nyilungu yisatu yakuma meji mumujimba ninachimpoti, Kolbe ni akwawu asatu hohu diwu adiñi amomi, wayikolesheleña akwawu nakuyileja nindi kachawichi keña twikali mwiwulu. Chonsu chadiñi nakusompawu atulama hadi yena wadiña saña emenayi hela nafukami hakachi kakapeka kakuhembela, nakumwekana kuwunda kudi ana adiñi nakwiñilamu. Chelili Kolbe

nahandi dehi inkawindi, amujahili nandoňu yawulembi. Amakwawu adiňiku hadiňi nakumulemekawu ndoňu yawulembi, nawu wanyamwini chikasa chindi chachimunswa saňa awundilayi nakuchimbelela kumulemeka mukumbu wandoňu yawulembi.

Ona iyala wajimbeli halehelí chantiamuweneni wanwina dehi muchimbuzu chamu chilombu.¹

Mpanji

Ikalenu mutumazanvu twanyanya mudi antu asatu hela awana. Hanjikenu hanawa malwihi.

- Indi Maximillian wamwekesheli ñahi kukeňa kwaNzambi?
- Wunatoňojoki neyi ona wadiňa mukaleya wahandishiliwu watoňojokeli hodi?
- Chatukaňeshaňa etu kukeňa antu mukuhanda chetu chahefuku hinka? Hitwadi kukeňa kufwila muntuku ilaňa kushamu mpinji, hela kukalakela muntu nakuyikwashaku. Mwevulu wakwinyika, Watela kukwashaku muntu kukalakala kwitempa dindi.



Kulomba

Kulomba kwamuntu kwawumweneni

Koleshaku antu ashakami nakumwena hadi kapinji kanti nakudilubula. Yihuli ahoshi nawu chinatami hakudikeňa awenawu hohu, nakudikuňulwila jejima jawu wena hohu. Cheňi ihulaku Yesu chitwatela kumwekesha kukeňa kudi amakwawu. Ikalenu awunda mukulomba kwenu.

Kulembelela wumu namukwawu

Ilaku antu ekali ayedi ayedi. Yihuli adilombeleli wumu namukwawu

¹ Wambula kwilukewa (22 April 2020), Maximilan Kolbe [KEYALA YA SAMBU] Yidihohu ha: https://en.wikipedia.org/wiki/Maximilian_Kolbe [Kwanewa ha 28 April 2020]

nawu ichi dinu tukutwesha kuhana kuhandu chetu kudi akwetu. Ikalenu munyiketu mukulomba. Neyi kudi wumu wukukeña kukwasha kuwana yakudya yawa nakabakani, lombelelenu chuma ichi. Neyi kudi wumu wunakukeña kumwekesha luwi IwaNzambi nanochu chichidi, chilembelelenu nawa. Neyi kudi wumu wunabuli kwiluka chuma chakulembelela, mwihulenu spiritu wajila ayikwashi nakuyilombola.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

*“Chamumweniwu himuntu, hakudizoza,
hakovwahila ho-o,
ndo nikukufwa,
eña kwokufwa kwakukulusu.”*

Afwilipu 2:8



Yakwila Wunu Mulungu

Hanjikenu mpinji yakuhumañana muluñu wunu nakulomba nikuhosha. Mukukeñeka hohu kuhumañana hadi ora yimu.

Chimukuhumañana watela kwila yuma iyi tanjikenu antu ejima adi mumukala wenu:

- Abulaña kuya kutembeli
- Antu ejima mwiluña imweluka nenu akabanaka. Ana antu atela kwikala akabakana nankashi.

Neyi munakumishi dehi kutanjika, lembelelenu muntu wejima hejina hejina. Lombenu kulonda Nzambi ayikwashiku nakuyinka nawa wena. Lombenu nenu Nzambi wukukalakesha etu kulonda tuchili.

3: Wudi Mwana ka Nzambi



Kufwila

Kufwila kwakwinza hamu chikutukwashaku etu kuchitiyisha netu etu tuyanyana kaNzambi. Neyi chochitwekala muyisaka, kwikala mwana kaNzambi chikweti wuselewa nawa niyakwila mukudiza kunu tukwilukamu yekwawu.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

Ilaña ejima amutambwili, wayinkeli ñovu yakwikala anyana kaNzambi, wowenawa akukuhwelela Ijina dindi wena chavwalikili kumashi hela mwatoñwelañawu antu hela mwawwalikañawu antuku, avwalikili kudi Nzambi.

Yowanu 1:12-13



Mpanji

Ikalenu mutumazanvu twanyanya twawantu asatu hela awana.
Hanjekenu hadi iyi yuma.

- Hoshenu nakutanjika yuma yejima yelañayi tata hela mama hadi anyanindi.
- Eyi wunachiteji nakukuhwelela neyi Nzambi welaña iyi yuma hadi anyanindi? Wayilaña ñahi?
- Chumukuhita kapinji yikwashiku kwakula kufuma kumazanvu ejima kudi muntu wejima nawa. Iyi yikwikala mpinji yakukwashana.



Kwiluka Yuma Yamu Mukanda Wajila

Tañaku mazu awa adi mwishina kudi ejima adi mwizanvu.



Kuhanda Na Spiritu (Añalija 5:16-26)

"Ami nami endenuña chakuyendesha kulonda mubuli kwila yafwilaña Chisemwa chaheseki, muloña Chisemwa chaheseki chafwilaña yabula kukeñayi spiritu, nispiritu nawa wafwilaña yabula kukeñayi Chisemwa chaheseki, muloña wena, chabula kutiyañana wumu namukwawu, alonda kuyikañesha kwila yuma yimwakeñaña kwila. Ilaña neyi ayilombolaña kudi spiritu, himudi nawa kunshimbuku.

Nyidimu yachisemwa, kufwila yatama, kupesha, kupanda, kuhelañana, kuzuña ichima, madombu, kukokwela kwenu, kudambola, kwitiya nsañu yaheña, lwisu, kusheta, yisela, niyuma yidi neyi iyi. Yeniyi nukuleja munayileki dehi, nami antu akwila mwenimu hiyamba kwaswana wanta waNzambiku.

Hakwila nyikaabu yaspiritu yowu kukeña, muzañalu, kuwunda, kukabakabe-e, luwi, kuwaha, kushinshika, kovwahila, kudihemba. Hikwekala lushimbi lwalekeshaña

yumiyuku. Antu ambala aKristu apopela dehi Chisemwa chaheseki kukulusu, niyuma yatiyaña Chisemwa kuwaha, niyafwilañayi. Neyi tukuhanda chakutuhandisha kudi spiritu, twendenuña nawa chakutwendesha kudi spiritu. Bayi tukeña kudilemesham chumkunkulwayiku, tubuli kudivuloka nikuditiyila ichima.”

Mazu wenawa ayisonekeli kudi Kapostolu Pawulu, kuyipompelu yanyanya mudi akwaKristu adiñi nakufwila kwenda chaloña chikupu neyi anyana kaNzambi. Kapostolu Pawulu wafwilili kuyikwasha kulonda endi chaloña, dichi nawa wayinkeli wukwashi.

Wahosheli nindi kudi njila jiyedi mwakwendela. Yimu diyi yakwikala eyi mukachi kayuma tachi nakukeña yuma yatiyaña Chisemwa kuwaha niyafwilañayi, yatutwalaña kukukala, nimunshidi yeñi nayeñi mukwenda kwetu. Iku dikwenda neyi mwana kaNzambi wanyi.

Njila yekwawu yamuchiyedi diyi yakukwendesha kudi spiritu, nikuhanda chakukuhandisha chakudi spiritu kulonda kushiya wumi wetu wachisemwa chaheseki, nakuhanda neyi mwana kaNzambi. Kutukwashaku kwiluka chichidi, Pawulu natanjiki yuma yitanu naiwana yanyikaabu yaspirit. Yidi neyi mutondu wunakusoña nyikaabu hachilaka, niKapostolu Pawulu nawa watoñojokeli nindi niantu nawa eli momumu.

Mwana kaNzambi hiwumu welukawu kudi Nzambi nawa wukweti niniyi nyikaabu muwumi windi. Muntu wabula kwikala mwana kaNzambi hakweti iyi nyikaabu muwumi windiku. Wukatwesha kuchishimuna hatoka neyi chalala muntu himukwakujila nakutala yuma yelañayi, bayi neyi nayahoshañayiku, hela kuyaña kuchipompelu hamuluñu wejima hichina kulumbulula nawu wudi mwana kaNzambi nehi.

Kudi chuma chinabadiki hanyikaabu yinakeñiyi Nzambi yisoñeña mudi anyanindi mumawumi awu. Nyikaabu yejima yakwataña hadi antu amakwawu. Twayenu tutoñojokenuhu yiyezi neyi nyevulu.

1) Kovwahlila

Chekala chakala kwikalala wovwaha kudi eyi aweneyi. Ilaña twekalaña owwaha kudi akwetu antu. Kukushimuna nawu wudi wamovu kudi akwetu acheñi muchituñilu, hela muchisaka chakwataña hadi akwetu.

2) Luwi

Niyitoñojoka yaluwi bayi luwi naneyi aweniku inehi! Iku hikwikala nalawi nawakwenu antu, kuyikwashaku wena, nikuyinka nawa wena nakuyikalakela. Chakubula kuhanda neyi mwana kaNzambi yowu kwikalala nakuditiyila ichima, kukokwela kweyi, kukeña kudihandisha hohu eyi aweni.

Kwikala mwana kaNzambi hikwikala kwishinadi nakutalañana nakubula kwikalala mwana kaNzambi. Hikuhandila akwenu nawumi weyi.

Bayi neyi mwana kaNzambi wejima welaña mwejima mwaloña, twakela hohu mwaloña mumawulu, ilaña etu mululakenu wawumi wetu yowu kutela hohu kwila mwanakeñiyi Nzambi nindi etu twikali.

Mwevulu wekwawu wamwekeshawu mumukanda wajila hichejeji namwidima. Nzambi anyanindi adi neyi antu akwa chejeji, neyi kakweji kanediki isaña dejima dikwikala diyila namwidima. Chimuny hela inoñu akutwesha kudimona hachintampu hahalehi. Inoñu dakwataña mukapeka nimwidima watemukañamu.

Ichi dichu chekala anyana kaNzambi hela neyi chatutambikañawu mumukanda wajila. “Chejeji chakaayi” chichatela kwikalala.

Tañaku Matewu 5:14-16 yinatuleji etu kwikala antu akwachejeji munyikala yetu.

Enu yenu chejeji champata yamunu mwishina. Mukala wakuuñila hampidi hiyatweshaña kuwujindaku, hela inoñu hiyadibutaña adisweka mwibañuku, chiña kudisha hamesa ditoñekeña ejima adi mwitala. Ninenu nawa chejeji chenu chitoñekeña kumesu awantu, kulonda amoneña nyidimu yenu yayiwahi, alemesheña tata yenu wudi mwiwulu.



Mpanji

Ikalenu mutumazanvu twanyanya mudi antu asatu hela awana. Hanjikenu hadi awa malwihu.

Hoshenuhu hadi nyikaabu yejima yaspiritu wajila, nakuyitoñojoka hamukabu himukabu nichiatwesha kumwekana mumawumi etu nimumaluña etu hela munyikala yetu mutwashakamaña.

Nyikaabu yaspiritu wajila diyi iyi: kukeña, muzañalu, kuwunda, kukaba kabe-e, luwi, kuwaha, kushinshika, kovwaha nikudihemba.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

Ilaña ejima amutambwili, wayinkelí ñovu yakwikala anyana kaNzambi, wowenawa akukuhwelela Ijina dindi wena chavwalikili kumashi hela mwatoñwelañawu antu hela mwawwalikañawu antuku, avwalikili kudi Nzambi.

Yowanu 1:12-13



Mwevulu wakwila etu tulodejumu: Ansumbuki Adiñi Naluwi
Shilañenenu aka kaheka nawantu ejima kulonda kuyikolesha.

Iyi hinsaňu yeyala wumu yinahumaňeni mu Scotland, wadiňi nakuhandila mumwidima, ilaňa hakwinza nakuhandila muchejeji, nahimpi ijina dindi kuchina kumwiluka.

Luka wadiňi iyala wakulilili muchisaka, mwabulili kumumwekeshela kukeňa kwakuvulu Nichelili tata yindi namama yindi hiyamumwekesheleli kukeňa kwakuvuluku, ichi chamuletesheli kwikalalayitoňojoka yatama yayivulu nindi hiyankeňaku kudi chisaka, muwumi windi. Chakuliliyi wakeňeli jinjila mwakwenzelela ipwata dakubula kumukeňa. Wabalumukili mukwakunwa mabuji ayitumbu yashetana kulonda atiyi chachiwahi yamwenindi.

Kapinji kanti wakulukilili mwafukwili yitoňojoka yindi nakushimatamu chikupu, chakubula kutwesha kulekamu. Chamutiyishili kuwaha, ilaňa kukala yowu hakufwetela wena mabuji ashetana chiňa yowu attachiki kwiya kudi antu, nikulandisha chonsu chaneyiyi kulonda kufumi mali akulanda nachu mabuji ayitumbu yashetana enjililiyi kunwa.

Chimwahitili mpinji atupokola amukwatili wudi nakwiya. Wadiňa nakwila lelu anamukasi kumadiki anamumbuku chochu hohu.

Indi dinu wukwila ñahi? Hadiňa namudimuku wakuzata nichikuhwelela nehi.

Iyala wumu niňodindi akwa Kristu amulejeli njila yacheňi yatela kuhandila. Amulejeli kukeňa kwa Yesu. Hiyakuminini hohu dakumuleja kukeňa kwa Yesu hohuku, ilaňa amulejeli nakukalakala wena hatooka nanyidimu.

Amusendeli iwu mukwenzi weyala mwitala dawu, amuhembeli nakumulembelela nawa, wachimweni nindi kukeňa kwa Yesu kukaleta kuhimpa. Walekeli kunwa mabuji ayitumbu yashetana nakutonda kuhandila nawumi windi mudi Yesu. Iwu himukwenzi weyala wanahimpiwu wumi windi chikupu kudi Yesu.

Achikozesheli kudi akwa Kristu ahandili neyi anyana ka Nzambi

amumwekeshelelli kukeña kwaNzambi kwekala hadi anyana kaNzambi.



Kulomba

Ikalenu ayedi, ayedi hanjikenu wumu namukwawu hadi nyikaabu yaspiritu wajila yitunakukabakana nayu kakavulu. Yihuli mukaabu wumu wudihi wasweja kuzeya muwumi wawu?

Saña mwekalila ayedi, lombenu nenu mukaabu wazeya mudenu ichi wukwikala nañovu mukuhanda kwenu.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

“Ilaña ejima amutambwili, wayinkeli ñovu yakwikala anyana kaNzambi, wowenawa akukuhwelela Ijina dindi wena chavwalikili kumashi hela mwatoñwelañawu antu hela mwawwalikañawu antuku, avwalikili kudi Nzambi.”

Yowanu 1:12-13



Yakwila Wunu Mulungu

Idishaku ana antu watanjikili muluñu wunamani. Dishilimu nezanvu deyi mpinji yatela kadizanvu kenu katweshi kuya nakuyitala antu amakwawu hela neyi chinatweshi ejima ana watanjikili. Imu dimu mukufukula kwekwawu kuwatela kwila neyi wunayi nakuyitala ana antu.

- Chiwukubula kudishilañena nawu nayuma mwadizili yakutufwila kudi Yesu.
- Watela kuyisendelahu kadiseka kawukwashi wena.
- Neyi kudihu kadiseka kamudimu wamakasa wakuyikalakela watela tuhu kuwuzata nakuyikwashaku.

- Chiwukuyiwana yihuli chibalu chimu chidihi chidiwu nachu nakukala chinakukeñewa wukwashi.

Sonekaku kukala kwawu nakuhemba chatelela. Bayi kujimbasha yiwanasonekiku.

4: Hanaku Neyi Chipompelu Chaku Masidoniya



Kufwila

Kudiza munahoshi mukanda wajila hansaňu yakuhana maheta hela mali. Nakushimunamu chakunyichima mutunatwesheli, hela chakubadika mutunatwesheli nayuma yetu.



Vesi Yakanaňachima

Taňaku vesi yakanaňachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akaňuka mapampa kakavulu, nakulondelamu neyi eyi wunamanishi dehi.

Bayi mudilumbikilaňa maheta hanu hamasekiku, hamaseki hadi tububu nindala yanoňeshaňa, hadi amakombi alokolaňa matala nakwiya, chiňa mudilumbikilaňa maheta mwiwulu, mwabula tububu hela ndala yanoňeshaňa, mwabula amakombi

alokolaña matala nakwiya. Muloña kukwikala maheteyi, diku kuwukusha nimuchima weyi nawa.

Matewu 6:19-21



Kwiluka Yuma Yamu Mukanda Wajila

Tañaku mazu awa adi mwishina kudi ejima adi mwizanvu.



Mwevulu Wamulambu Wamfwila Wamubanda (Maku 12:41-44)

"Yesu hakushakama kwatalañana nachikasha chakusha mali, nakutala izaza chidikumbila mali muchikasha, amavulu adiñi aheta ombililimu mali amavulu, kwejili kazweñi, mfwila wamubanda, hakumbilamu tumali twanyanya tuyedi, kuyibomba ashika mukadali kamu.

Hakutambika atumbanji twindi, hakuyila nindi, nukuyileja chalala nami, Iwu mfwila kazweñi nombilimu yakubadika ejima adi nakumbila mali muchikasha, muloña wejima wawu anombilimu yakuyuma yawu yasweja kuvula, ilaña iwu mumbanda nombilimu yakuwuzweñi windi yoyindi yejima yadiñi yakudihandisha nachu."

Yesu watalileña chadiñiwu nakumbilawu mali muchikasha wamweni amavulu adiñi aheta ombililimu mali amavulu, ilaña awa hidiu ahamekeliyiku, hakuyileja atumbanji twindi nindi, Iwu mubanda mfwila kazweñi nombilimu yakubadika ejima.

Mpinji jekwawu munu mu Africa twazatishaña mazu netu twahutwa, hela netu atuzweñi kulonda tubuli kuhana. Kwikala kazweñi hichinatweshi kukañesha eyi wubuli kuhanaku. Nzambi welukaña nindi tudi nayantesha, ilaña saña akeñelayi etu tuhani. Yena natukani etu nindi nukuyinka yimunakañanyi, natuleji nindi bayi mudakamenaku. Mukuhwelelenu, mulombenu chejima chinakeñiyi enu muhani. Dikoleshenuku, nimuchikuhwelela nakuhana kweseka namunashimuniyi kudi eyi. Iwu mumbanda mfwila hadiñi wahetaku ilaña wombililimu yakuwuzweñi windi yoyindi yadiñi yakudihandisha nachu.



Mwevulu Wachipompelu Chaku Masidoniya (2 Akorinda 8:1-7)

"Dichi dinu enu anakwetu, hitukuyileja luwi IwaNzambi lwanenkuwu kuyipompelu yamu Masidoniya. Luwi Iwakwila, iku adi nakuyitompa nankashi nalukadi, hela neyi aswejeli wuzweñi hiyakutiya muzañalu wakuhana mahetawu. Muloña ami nukutwesha kushimunamu nami ahanini chakunyichima yawu mwatwesheleluwu, hela chakubadika mwatwesheleluwu. Hiyakutulembelela nakulembelela kwakweni nawu ayiteji kukundañana nawu nakukwasha akwakujila. Bayi mutwakuhweleleli etu hohuku, asambilili dehi kudihana kudi mwanta awenawu, nikudetu nawa chakumuchima waNzambi .Dichi hitukumushijila Titus, netu amanishi mudetu iwu mudimu wa luwi watachikiyi dehi Ichi chimuneli munabadiki dehi tuyuma yejima, nimukukuhwelela, nimukuhosha, nimukwiluka, numukusweja ngovu, nimukukeña kumwatukengaña, netu badikenu nimuluwi ilu nawa."

Wakola wumu hadi endeli na Yesu Kapositolu Pawulu watachikili chipompelu mu Masidoniya. Chadiñi Chipompelu chawantu abulili mali hela maheta ayuma. Hela chochu abadikili kutwesha, kweseka namuyafukwililiwu kwikala.

Hiyahanini hohu yadiñiwu nayuku, hiyahanini yadiñi yaswayi kudi wenaku, ahanini chakubadika mwatwesheleliwu. Ayihamekeli hakuhana chakunyichima yawu chakubadika. Hichandingi chamuntu wumu kuhana wanyi, ilaña chandingi che inzanvu da wakakukohwela kuhana wejima wawu hamu.

Kakavulu chekalaña chakala kwila yuma halwetu, ilaña nawakwetu hamu twatwesha kwila yuma yamaneni. Hadaha watoñojokaña neyi chumanyi nukuhana henohu ami natela kuhana kantesha. Kadiseka kantesha katela wanyi nkawaku kuhimpa yuma, ilaña neyi mukusha hamu nawakwenu yawana yenu, nikachawana kantesha kakwikala keneni.



Mpanji

Ikalenu mutumazanvu mudi antu asatu hela awana. Hanjikenu hadi awa malwihiu.

- Nzambi wachilukaña nindi etu tukutwesha hohu kuhana kachawana kantesha? Ichi chashikilamu kuhana kantesha?
- Iku lukadi nankashi, hela wuzweňi chipompelu cha Masidoniya hiyakutiya muzaňalu wakuhana mahetawu kudi akwawu akabakana. Iwu himwevulu wabadika kudi etu. Lukadi inyi lutunakumona lunakukaňeshaa etu kuhana?
- Indi chipompelu cha Masidoniya chakaňenyi kuhana?
- Hadaha kuhana kwavulishili makabi awa aku Masidoniya?



Vesi Yakanaňachima

Taňaku vesi yakanaňachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akaňuka mapampa kakavulu, nakulondelamu neyi eyi wunamanishi dehi.

“Bayi mudilumbikilaña maheta hanu hamasekiku, hamaseki hadi tububu nindala yanoňeshaa, hadi amakombi alokolaña mata la nakwiya, chiňa mudilumbikilaña maheta mwiwulu, mwabula tububu hela ndala yanoňeshaa, mwabula amakombi alokolaña mata la nakwiya. Muloňa kukwikala maheteyi, diku kuwukusha nimuchima weyi nawa.”

Matewu 6:19-21



Mwevulu wakwila etu tulodejumu: Kuhana Hayipenji

Shilaňenenu aka kaheka nawantu ejima kulonda kuyikolesha.

Mu Luapula kabeta ka mwituňa da Zambia kwekala inzanvu dawa kakujila awa ahumanganaña muchitungilu chawu kamu hamulungu.wena afuma kuyimpopelu ya buka niyaaku yaboka. Ejima wawu hi yakanyikalaa.

Wafuminini kumusumba wa Lusaka hamuchima wetuňa dinu da

Zambia hachintampu 1000 jikilomita. Hikwadiñihu nimukala hakamwihiku wakwila atweshi kuhemba mujimba hela hatela kusha chipenjiku. Izanvu idi datoñojokeli kwinzamu nakukwashana.

Amembala amakwawu adishilimu kulonda kutwesha kuwana antaña janona muntu wunafwi kulonda kushaku kufwa, ahanini nimali akwashi chipenji yejimiyyi ayililileña muntu abula kwilukawu.

Nizanvu idi nawa dakwasheni hayipenji hela yawantuacheñi abulaña kuya kuyipompelu mwiluña odu. Nizanvu idi didi hohu neyi chochekalawu antu ejima, hidikweti mali amavuluku hela tuhu yuma yamahetaku.

Amonaña hohu hadi kukala hiyakutoñojoka hamu wejima wawu nakukwashana kukala oku. Shinshikaku eyi wumoni hadi kukala kunakukeñeka wukwashi hamu. Bayi wuhembela mukwenu wacheñuku, tachikakuku eyi. Nzambi wukukalakesha eyi.

Mpanji

Ikalenu mutumazanvu twanyanya nawantu asatu hela awana.
Hanjkenu hanawa malwihiu.

- Etu twatoñojokaña netu neyi wukuhana chuma, eyi wunahani wunajimbeshi nawa wunakisi. Niyitoñojoka yetu nawa yatulejaña nawu kudilumbikila mali nimaheta amavulu diwu muzañalu nawa? Chenichi dimu ntahindi hidimuku? Indi mukanda wajila wunahoshi nawudi?
- Eyi watambwilahu dehi chawana chamafu akudyisha, yakudya, hela mali iku wunakankili? Yilejimu akwenu mwizanvu chichamwekeni. Neyi wunakuhweleli wunachimonu neyi Nzambi wahanaña, ichi nawa chinakupepeleli eyi kuhana kudi amakwawu?
- Indi munatoñojoki kuhanahodi neyi izanvu?



Kulomba

Kulombela Muntu Halwindi

Lejaku ejima ashakami wumweneni nakumwihula Nzambi ayanakeni hampinji iyanabuli kwinkahu muntu chuma. Yileji amwihuli Nzambi hayinakeñiyi ahaneña nikuyikwashaku akuhweleli nawu Nzambi wukuyiloñeshela munakukeñelawu.

Lombenu hamu neyi izanvu nañovu

- Mwihulenu Nzambi hayinakeñiyi enu muhani neyi izanvu.
- Lombenu nenu Nzambi wukutachika kuyiloñeshela neyi izanvu kulonda mutwesheña kukwasha amakwawu.
- Musakililenu Nzambi hakwila watuloñeshelaña etu anyanindi.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

“Bayi mudilumbikilaña maheta hanu hamasekiku, hamaseki hadi tububu nindala yanoñeshaña, hadi amakombi alokolaña mata la nakwiya, chiña mudilumbikilaña maheta mwiwulu, mwabula tububu hela ndala yanoñeshaña, mwabula amakombi alokolaña mata la nakwiya. Muloña kukwikala maheteyi, diku kuwukusha nimuchima weyi nawa.”

Matewu 6:19-21



Yakwila Wunu Mulungu

Chiña mutoñojoki enu izanvu kuhana kudi antu atuzweñi akabakana kubadika enu aweni. Chimukuhumañana toñojokenu kwila iyi:

- Kuñululenu mali hamu, yakudya hela yuma yekwawu yanana atuzweñi ni akabakana mwiluña dimudi. Hadaha mukufukula kumwinka kadiseka kantesha ilaña kakumukwashu kubadika

chadiñiyi chakubula. Chalema hama chiña kutoñojokela hamu nawakwenu ejima mwizanvu. Yuma yimwatela kukwasha atuzweñi niakabakana chiña neyi yakuvwala, mbutu niyekwawu yimudi nayu nawa.

- Ikalenu nanimu mumunaditejeli muwunu mulungu, muleti yimunafukuli kwila mumukala wenu. Neyi izanvu hamu mwatela kwilahu chuma mumukala wenu. Hadaha chakukwasha anshona, hekwawu kudima itempa dambutu kulonda kukwashaña akaba.

Hekwawu hachuma chimwalombeli muluňu watachi. Nzambi nakumwekesheli chuma chatela izanvu denu dili. Izanvu denu dineluki makabi nikukala kudi mumukala wenu. Nzambi nakukeña kubalumuna yuma bayi neyi muwumi wamuntu wumu hohuku, ilaňa mumawumi anowu antu anakunyeňumuki eyi. Natondi kukalakesha etu neyi makasa indi nanyendu yindi munyikala nimaluňa mutwashakamaña.

5: Nzambi Nakukoña Mumukala Wenu



Kufwila

Kudiza iku kukukwashaku eyi kutiyisha chikukoña kukeña
kwaNzambi mumukala weyi nichibalu chiwatela eyi kukalakala.
Tunachitiyi nawu Nzambi hakukoña yihayamisha chakubula etuku.
Wukuchila kuhitila mudi etu.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

Owu ejima etiyili hiyawkikala hohamu, yuma yiikala niyawu yebomba. Hiyakulandisha mahetawu niyuma yawu hiyakupañila akwawu ejima mwabuliluwu.

Yililu 2:44-45



Kwiluka Yuma Yamu Mukanda Wajila

Mukanda waYililu awusonekeli kulonda kulumbulula chichakulili Chipompelu chakutachika kufuma kudi atumbanji twa Yesu. Ninimu munashikili chipompelu nimazu ansaňu yaYesu mumukanda wa Aroma. Munoyu mpinji wadiňi mukala wasweja kulema. Nimazu adi hanu anakulumbulula chichadiňi chipompelu chatachi.

Tañaku mazu awa adi mwishina kudi ejima adi mwizanvu.



Kuhumañana Kwawaka Kukuhwelela (Yililu 2:42-47)

Hiyakukakela mbe mukuleja kwawapositolu, nimukukundaňana, nimukuhumuna mankendi, nimukulomba. Antu ejima atiya niwoma. Apositolu hiyawkwila yihayamisha yayivulu niyinjikijilu. Owu ejima etiyili hiyawkikala hohamu, yuma yiikala niyawu yebomba. Hiyakulandisha mahetawu niyuma yawu hiyakupañila akwawu ejima mwabuliluwu. Hiyakukakela mutembeli hefuku hefuku, namuchima wawu wumu, nakuhumuna mankendi mumatalawu, hiyakutiya kuwaha nakudyáňa, nakuhameka Nzambi namuchima wawuwahi. Hiyakuyimona kuwaha kudi antu ejima. Mwanta hakubombelaku hefuku hefuku awa adiňi nakuhandá.

Kuhumañana kwa mazanvu etu lelu twatela tudiziliku yayivulu chichahandili chipompelu chatachi nawa kwakujila muYeruselema. Hiyadiňi hohu nakuya kutembeliku. Antu amavulu analuwalali hansaňu yachipompelu. Akuhwelela nawu:

- Itala diyi tembeli
- Ijina dachipompelu
- Antu adi mutembeli hiyantu ambala awanlomboli.

Imu mutwafukulaña himwalalaku. Izu da ‘chipompelu’ mukanda wajila, chaswayi dalumbuluka “kuhumañana kwawantu. Hidikweti chuma netalaku hela antu kulondela kabiňaku, indi kwiji hejina dachipompeluku. Chipompelu anachilumbululi kwikala antu amu anahumañani hamu nakwikala muwumu.

Chekwawu chalema, antu hiyahoshaňa hohu hachikuhwelelu chawuku, ilaňa edishili chikuhwelela chawu mwiluňa diyashakamawu.

Twayenu tutali mwelili chipompelu hefuku neyi ifuku.

Hiyakukakela mbe mukuleja, nimukulomba. Ichi chidi neyi izanvu dakushimatisha mudi Yesu, hela kuhumañana kwawaka chipompelu.

Owu ejima adiňiku, ejima wawu hiykwila chochimu? Tahindi atatakeneni hohu mukanda wajila nikulomba nakudifukula?

Inehi! Hidimuku. Twayenu tutali hama vesi amakwawu.

Muvesi 43 yinahoshi nawu Apostolu hiykwila yihayamisha yayivulu niyinjikijilu. Iyi yadiňi hekwawu yakuuka hela hekwawu antu ayisubuli kufuma kudi andemoni, kwesekeja. Antu ayikwashi muloňa wayinjikijilu yakoňeliyi Nzambi kuhitila muyipompelu Yindi. Hela hayamukunkulu yaluwi yaspiritu niyihayamisha yinekali yakukwasha nachu antu amakwawu.

Mu vesi 44, hiyadiňi namazanvu acheňiku, “Adiňi nayuma yawu

yejima yebomba.” Kakavulu antu munyikala adi muchipompelu chimu, adipakaña nawakwawu hadaha nikukana kuyikwashashaku akwawu. Neyi antu hiyaka kristu wanyi kakavulu akanaña kuyikwashashaku, imu mwaluwa.

Mu vesi 45 yinatuleji etu chadiñiwu naluwi lwalweni lwakukuhwelela hadi wejima wabulili, neyi wumu wudi wabula hiyadiñi nakumudiwulaku, atwesheleña kuwana mwakumukwashila, neyi chinatweshi alandishileña yuma nimahetawu kulonda akwashi nachu acheñi. Yinahoshi nawu ahanini kudi “wejima wabulili.”

Mpinji yekwawu akwaKristu anakalakali hohu neyi akwaKristu hamulungu hohu hitwelaña yakuchipompelu ilaña awamafuku amakwawu amumulungu twelaña mwetu mutunakeñi. Ichi nawa chaluwa. Twatela kwikalaka akwaKristu mpinji yejima, hela tuhu kudi chumanyi chitunakwila. Antu adiñi muchipompelu chatachi hiyahumañeni hohu hamulungu muchipompeluku. Ilaña ahumañeneña hatoka nimumatala awantu. Ichi dichi chinatulejuwu muvesi 46.

Fukulaku, kwiji chenichi chipompelu chakuhayamichi chadiñi ñahi?

Muvesi 47 anatuleji nawu ayitiyili kuwaha kudi antu ejima nikuyilemesho. Tunatañi nawa nawu, Nzambi hakubombelaku awa adiñi nakuhanda. Ichi chadiñi, muloña antu adiñi nakumona Yesu kuhitila mwadiña nakwila chipompelu.

Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

“Owu ejima etiyili hiyakwikala hohamu, yuma yiikala niyawu yebomba. Hiyakulandisha mahetawu niyuma yawu hiyakupañila akwawu ejima mwabuliluwu.”



Mpanji

Ikalenu mumazanvu anyanya mudi antu asatu hela awana.

Hanjikenu hadawa malwihu.

- Indi yipompelu yidi ñahi mumukala wenu? Adi neyi chipompelu chanalumbululiwu mumukanda wa Yililu?
- Indi antu akutachika ñahi kwiluka kukeña kwa Nzambi? Hikumwiluka hohu Yesu tahindi chinabadiki aha? Antu anatweshi kumona kukeña kwa Nzambi kuhitila muyuma yiwelaña tahindi hiyanatweshi kumonahu nyidimu yakukeñaku?

Hanyima yajiminiti jantesha lejaku ejima ashilañeni wumu namukwawu.



Kulomba

Lejaku ejima mwizanvu ashakami ayedi ayedi. Wenawa ayedi eli yumiyi.

- Kumusakilila Nzambi hakukeña kwindi hadi wudi wejima.
- Kulombelelaku antu mumukala weyi sweje hejina hejina neyi eluki kukeña kwa Nzambi.
- Kulomba neyi Yesu wukuzatisha mukwenu yiwanakulomba nindi kulonda kumwekesha kukeña kwa Yesu mumukala wenu.

Neyi kudihu kukeña kunakumwekana munyidimu yiwanateli kukalakala, ihulakuhu muntu mukwawu yakulombeleliku kulonda wutambuli wukwashi waNzambi wakuzata.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka

mapampa kakavulu, nakulondelamu neyi eyi wunamanishi dehi.

Owu ejima etiyili hiyakwikala hohamu, yuma yiikala niyawu yebomba. Hiyakulandisha mahetawu niyuma yawu hiyakupañila akwawu ejima mwabulililuwu.

Yililu 2:44-45



Mwevulu wakwila etu tulodejumu: Lufwanyama, Zambia.

Shilañenenu aka kaheka nawantu ejima kulonda kuyikolesha.

Kudi mukala mwiluña da Lufwanyama mwituña da Zambia, kwatoñojokeliwu antu ashakamaña mudenodu iluña kwila chuma chabadika kuwaha. Shikola ayituñili mumukala wawu ilaña chakuhalwa antu atuñi shikola hiyatwesheli kufwetaña antañishi nfwetuku

Chimwashimbwili mpinji antañishi atachikili kufuma hashikola nakuleka kukalakala. Hampinji oyu, antu hiyelilihu chumaku, akuminini dakushakama nakutala hohu chichinakumwekana, hela chochu adi kwiladi?

Ifuku dimu wamubanda mumukala wadiñi mukwakristu wadiñi nayitoñojoka. Watachikili kwihiula ejima mumukala adiñi nawanyana adiñi nakuya kushikola, kulonda atweshi kukuñulula kushikola.

Nikukuñulula hikwadiña kwasweja kutohaku, ilaña hakuleha kwampinji kwamwekeni tumali, kulonda kutachika nachu kufweta antañishi ashikola. Antañishi nawa afuntili nakukalakala hashikola hanyima yakutachika kuyifweta nfwetu yawu. Akamukala nawa adiñi nayitoñojoka yekwawu. Kwikeeki dashikola kwadiñi kadiluña kampata. Mafuku ejima izanvu dawa katata antesha kufuma mumukala adiñi nakuya nakukwasha kudima hakenaka kampata. Adiñi nakutambula mbetu kufuma kudi akaluwi ahanaña wukwashi, nakutachika kudima, kabaka niwakaka kulonda kudikwasha nachu hashikola.

Chadiñi chakala kudi wena, hiyadiñi namaliku, ninyikanda yabuliliwu ayilandili. Hela atachikili nyidimu, wonsu wawu atañishi anyanawu. Iwu diwu mwevulu wahaniniwu aka chipompelu chatachi mu Yililu 2 nawa dimu mwamweni niantu atukwashi tutoñojoki mutwatela etu kwila.

?

Mpanji

Ikalenu mumazanvu anyanya mudi antu asatu hela awana.
Hanjikenu hadawa malwihu.

- Chatukalilaña ñahi etu kwikalala neyi chipompelu chatachi? Twalewishiliñadi hakuhanahu mpinji yekwawu etu aweni? Mpинji yetu nimaheta etu.
- Kuduhu chuma mumukala weyi chidi neyi shikola yaku Lufwanyama, yatela izanvu dikwatihu makasa nakukwashana? Neyi kosi, kuduhu chuma chatelela izanvu dili kulonda kukwasha owu adi mumukala?
- Ilaku wejima ashimuni kudi wumu namukwawu munahanjikuwu.

Yawkwila Wunu Mulungu

Toñojokenu kuhumañana hamu.

Fumishaku ana antu watanjikili hamulungu wamuchiyedi. Nidalelu tunadiña nakuhanjika netu chipompelu mwamweni chatela chiluhu chuma kulonda kukwasha anabuli muchituñilu.

Wehwili antu mumukala nyilungu yi yedi yinahitim dehi mwatela kuyikwashawu. Nimulungu wunahiti mwaleteli yitoñojoka yimwatela kwila mumukala wenu. Dalelu tunadiñi nakuhanjika netu chipompelu chatela chalala kwilahu chuma hadi owu anabulili muchituñilu. Mwatela mutoñojoki chimunafwili kwila, nawa chinafwiliwu antu kuyikwashaku. Wukuchimona nawa neyi chiwunafukuli kwila chikushikila munabuliliwu antu.

Yuma yekwawu yitunafwili kukwasha chituñilu yikusenda mpinji,

niwuswa wezanvu.


Kukwikala nyidimu yiwatela kwila kulonda yikwashi mumukala weyi, **hela chochu chiña hohu wufukula kuyila neyi nehi yikukalakewa wanyi**. Kukwikala wanyi muntu wakufuma kwacheňi wukwinza nakukukalakelayi.

Mwevulu wachinjikijilu, wamudimu wawuneni wakukeňa shikola yikali neshima damenji, kuloňesha itempa dawakaka niyakudya yawakabakana, hadaha kwila yuma yakulandisha kulonda kufumeňa yakukwasha amakwawu.

Tunyidimu twanyanya tudi neyi kusoka itala da mfwila, kutehuna menji amuntu wakata, hadaha kuhana chikobelu kudi muntu wunachibulihu, ichi chaswayi chatela tuhu kuchila chakubula kutoňojoka hama.

Chaswayi kudishilamu mpinji muwunu mulungu nakuya nakwilahu chuma chimu hela yiyledi hadi tunyidimu twanyanya. Iku diku kutachika kwakukeňa kwakukalakala kwaNzambi mumukala weyi.

6: Mazu Hohu Hiyanashikiliku



Kufwila

Kudiza kunu kunakutala hansaňu yaka Samariya wamuwahi nimu chinalumbulukili kukeňa antu. Kudiza iku kukutukwashaku etu tubuli kusompesha antu.



Vesi Yakanaňachima

Taňaku vesi yakanaňachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akaňuka mapampa kakavulu, nakulondelamu neyi eyi wunamanishi dehi.

Keňaku Yehova Nzambi yezi namuchima weyi wejima, nawumi weyi wejima, naňovu yezi yejima, namaana eyi ejima; keňaku nawa mukwenu neyi chiwadikeňa eyi aweni.

Luka 10:27



Kwiluka Yuma Yamu Mukanda Wajila

Nzambi kakavulu wakalakeshaňa antu abula kutelela kulonda azati

mudimu Windi. Nzambi wakeñaña kuhayamisha antu nakuzatisha muntu hadaha wukufukula nindi ami hinukutweshaku kukalakesha kudi Nzambi. Iyi nsañu yamuntu wabula kutelela wazatishiliwu kudi Nzambi kulonda eli chuma chachiwahi.

Tañaku mazu awa adi mwishina kudi ejima adi mwizanvu.



Nsañu Yaka Samariya Wamuwahi (Luka 10:25-37)

Hampinji yimu kutala kunemani dehi mukwanshimi wumu, hakumweseka nindi, “Eyi Nkuluñaña, nukwila ñahi kulonda niswani wumi wahaya nyaka?”

*Yesu hakumwila nindi, “Munshimbi anasoneki nawudi?”
“Watañañamu ñahi?”*

Hawkakula nindi, “Nawu keñaku Yehova Nzambi yeyi namuchima weyi wejima, nawumi weyi wejima, nañovu jeyi jejima, namaana eyi ejima, keñaku nawa mukwenu neyi chiwadikeña eyi aweni.”

Yesu hakumwila nindi, “Wunakuli chachiwahi, ilaña kweyi momwenomu, wukuhandu”.

Yena hakukeña kumwekesha kuloña kwindi hakumwila Yesu nindi, “Mukwetu yowinyi?”

Yesu hakwila nindi, “Muntu wumu wadiña nakufuma ku Yerusalem nindi akunkumuki kuYeriku. Kukasumuka anamukwati dehi kudi atupondu, hiyakumu vuula, hiyakumweta, hiyakuya kwawu, kumushiya wudi kwakwihi nakufwa. Kapristu wumu hakukunkumuka njiloyu, chanamumoniyi hakumutondolwela. Ilaña kaSamariya wumu wadiña nakuya munjila yindi, hakushika kwadiñiyi, chanamumoniyi, hakumutiyila wushona, hakuya kudi yena, hakuhuñunwina hayitu yindi manji nivinyu, hakukasakasaku.

Amusha nihakanyama kindi yomweni hakumuleta kwitala dakamañawu enyi, hakumuhemba. Chikunachi, hakunona mali ayedi hakumwinka mweniitala nindi, muhembí, neyi yiwanakamwinka yikamotokamu, chinakafunta nakakuhiñishila yacheñi.”

“Awa asatu nanowu aholokeleluwu kudi atupondú, eyi wunatoñojoki neyi mukwawu yowu wumwodíhi?”

Nkuluñaña munshimbi hakwakula nindi, “Owu wamutiyilili luwi.”

Yesu hakumwila nindi, “Nineyi yaña wakelaña mwomumu.”

Yesu washimwini iyi nsañu yaka Samariya wamuwahi hayuma iyiedi. Walondeli kutumwekeshela etu chalala chichalumbuluka kukeña muntu. Wakeñeli cheñi kulumbulula hatooka nindi hiyantu abula kutelela, wena nawa diwu akeña Nzambi nakumukalakela.

Yesu wadiñi wababala hama hanoneleñayi awa antu ayedi neyi nyevulu munsañu yinu. Wanoneli wumu nansañu yimu nimukwawu nawa nansañu yindi.

Kapristu himuntu walema hama watelela kukeña Nzambi, ilaña mumujimbu wunu, iwu kapristu yena wamwekesheli kukeña kwaNzambi? Kapristu wabutili kumesu indi nakumutondolwela ona muntu wadiña nayitwa yindi. Hamwekesheli kukeña kwaNzambi hela chantiku.

Kalevi wadiñi kayudeya watalileña tembeli. Ni Kapristu amwilishili kwikalá muntu wumu wakukeña Nzambi nakumukalakela nawa. Ilaña, yena nawa wakuminini dakutondolwela ona muntu wadiñi nayitu. Wateleleli kwikalá asi diyi muntu wamukwashili ona mukakwenda, ilaña hachilukiliku.

Ka Samariya wadiñi himuntu ona waheleliwu kudi akwakukuhwelela mumpinji ya Yesu. AYudeya afukwili nawu aka Samariya adiñi abula kutelela nawa hiyadiñi antu jaNzambiku.

Chumanyi chamwekeni hendeleñayi ona kaSamariya nakuhumañana muntu wadiñi nayitu? Yena wamukwashili nakumuhemba namali indi. Welili chikupu nindi chiña iyala wadiñi nayitu nahandi.

Yesu nindi, chonsu chiwukukalakela ana akehelamu, wunakalakeli ami nawa. Neyi ona iyala kaSamariya, hadi muntu wakehelamu, nakumwekesha kukeña kwaNzambi, nakumuhemba ona iyala.

Kapristu nika Levi, mutenowu elukili mazu aloña ateleta kuhosha. Atelelewi kwiluka kwimba tumina twatwihi, nimwakulombela mutenowu achi ayivumbikili muchipompelu.

Yesu hashiliku muchima hadi ichuku, ilaña wanyamwini iwu kaSamariya neyi diwu mwevulu watelela kulondela. Hakumuleja nkuluñaña wanshibmi nindi, nineyi nawa “yaña wakelaña mwomwenomu.”

Kushimuna hohu hikunashikiliku hela nakutañisha mazu aNzambi. Antu atela amoneñamu chuma chamazu aNzambi munyidimu, ‘Yilwilu’ yetu. Hitwatela nawa kusompesha ana adi hanji yachipompeluku. Neyi muntu wumu mumukala wetu nafwili kukwashana kwila nyidimu yayiwahi, etu twatela kuyileka akalakali.

?

Mpanji

Ikalenu mutumazanvu twanyanya twawantu awana. Muhanjiki hansaňu yanona kaSamariya, yinakukojeji wutiyi ñahi? Indi eyi wunatachiki kutoñojoka ñahi?

Ikalenu nampinji nakuloñesha kachisela kanyanya kakumwekesha nsaňu iyi kudi akwenu amakwawu adi mwizanvu. Wumu hakachi kenu asendi iseka daka Levi, mukwawu asendi iseka da kaSamariya. Wumu cheñi iseka da iyala wadiñi nayitu. Mwekeshenu chiselichi kudi izanvu.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

“Keñaku Yehova Nzambi yeji namuchima weyi wejima, nawumi weyi wejima, nañovu yeji yejima, namaana eyi ejima; keñaku nawa mukwenu neyi chiwadikeña eyi aweni.”

Luka 10:27



Kulomba

Lejaku wejima wudi mwizanvu awani iluña damwena, nawa halwawu ekali nayikunku yampinji yitanu nakutwala hekumi. Yihuli alombi hamuntu hamuntu. Ihulaku Nzambi ayimwekesheli mpinji yadiñiwu neyi ona kapristu hela ka Levi, chakubula kwikala neyi ona kaSamariya wamuwahi.

Yileji abuli kutiya neyi anafwi nanyiloña naniyi mpinji. Atela ahoshi nawu chatama hela chaluwa amwihuli Yehova ayikwashiku kwila mwatelela mpinji yekwawu.

Ichi wejima wenu hamu neyi izanvu hewulu chakola nañovu, tumusakililenu Nzambi netu natwinki etu antu Jindi, nayejima yitwabulili tukwashi ana anatunyeñumuki. Tumwihuli Yena atukwashi etu neyi izanvu tuzati hamu nakuhimpa yuma kudi anakabakani anabuli mumukala wetu. Tubuli hohu kuhita nakutondolwela neyi ona kapristu naka Levi. Ilaña chiña neyi ona kaSamariya wamuwahi chatela.



Mwevulu wakwila etu tulodejumu: William Wilberforce

Shilañenenu aka kaheka nawantu ejima kulonda kuyikolesha.

William Wilberforce wahandili yaka yakubadika 200 yinahitimku Putu (England). Chetiyiliyi mumwaka wa 1785 kwadiñi kuhimpika chacheni cheneni munjila yahandiliyi muwumi windi. Wahosheleli ana abulileña kutiyililawu.

Muyaka yinahiti munyima, antu amumatuña awantu eyila (Africa) ayitweli muuwukoli nakuya nakuzatila akwawu mumatuña acheñi. William Wilberforce, yena hachitejeli nindi Yehova wachifukwili nindi chaloñaku.

William Wilberforce wadiñi nayamatuña nachiyulu, hamuloña wachumichi wadiñi nawuswa muchiyulu (mfulumendi). Kwitiya kwindi kwakukuhwelela chamuletesheli yena kutadika mpinji neyi mpinji nindi, kulanda nakulandulula kwawantu chatela kukuma. Mapampa kakavulu ntadi yindi niyitoñojoka yindi ayiyikileña. Hela chochu, mapampa na mapampa watwalekeleñahu hohu.

Chantesha niwumi nawa watachikili kuzeya. Mafuku asatu henohu kanda afwi wadizilimu nindi ntadi yindi yinakoñi. Nshimbi jetuña jahimpilewi nawa nawu antu adiñi akoli hiyadi nawa kwikala ankoliku cheñi.

Yena hadiñi neyi ona kaSamariya wamuwahi. Mutenowu wadituhu kuhita nakutondolwela kwindi, ilaña wemikili mushindu nawulobu nakutadikisha, nikusubula makombakaji awantu afumi mukuhanda kwakala. Himwevulu wasweja kulema kudi etu ejima.

?

Mpanji

Ikalenu mumazanvu anyanya awantu asatu hela awana. Hanjikenu hanawa malwihu.

- KaSamariya hadiñi muntu wateleleli kuhita nakutondolwela tuhu kwindi, ilaña hachililuku. Wakwashili ona iyala abuwiliwu. Yumanyi yatukañeshaña etu kwila yuma yakukwasha awa antu atunyeñemuka etu? Sonekenu nakuyitanjika hakachi kenu.
- Talenu chimunaditanjiki mumunaloñesheli. Hoshenu chimwatela kukalakala hadi wena, jimbaleñuku kukala kutudinaku kunatunyeñumuki. Hela kutoñojoka nenu

tukutwesha wanyi kuyikoñela. Ichi hichakukanjikijaku. Mukweti yonsu yimunakukeña, naNzambi mukutwesha kuhimpa yuma mumukala wenu.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

Keñaku Yehova Nzambi yezi namuchima weyi wejima, nawumi weyi wejima, nañovu yezi yejima, namaana eyi ejima; keñaku nawa mukwenu neyi chiwadikeña eyi aweni.”

Luka 10:27



Yakwila Wunu Mulungu

Fukulenu kuhumañana wunu mulungu.

Mwatela kufukula chuma cheneni chimwadi kukeña kwilila mukala wenu. Hadaha mukuditeja wanyi neyi izanvu dejima, ilaña hela chochu chiña mwatela mudikasi nakwiteja nenu twakazatila hamu.

Hadaha munenzi nayitoñojoka yimwadiñi nayu mulungu wunamani, yatela kuyikwasha kuhanjika haniyi nsañu.

- Wahishenu nakutanjika yuma yimunafukuli kwila naniwu mudimu. Anukenu nenu yuma yimukukeña himaliku. Hekwawu mukukeña hohu mbutu, iluña dakukalakela, hela itemwa, kwesekeja. Mpinji yekwawu mukukeña hohu muntu nkuluñaña welukisha kukalakala mudimu.
- Kwabulenu hayuma yimudi dehi nayu mukachi kenu, nawa mumusakilili Nzambi hanoyu yuma.
- Tanjikenu chiwahi yimuchidi kukeña nakuyilombelela nenu akuyinkayu. Toñojokenu cheñi nawa jinjila jimukuwana, kusondama hela kulanda yena yumoyu.

Yenu mwakamuwani nlomboli wezanvu hela ntuñi yamukala. Hanjikenu nindi hayitoñojoka yimudi nayu sweje-e hayuma yimunakukeña yimunabuli hakwila mukalakali ochu chuma. Yihulenu neyi akuyikwashaku nayuma yimunabulili. Hekwawu neyi izanvu munakeňi ayololuku namazu awukwashi. Endelenu nawa niantu amakwawu acheňi imunafukuli nenu atela kuyikwasha, hanjikenu nawu, chatela kuyikwashawu enu.

Lombenu nenu Yehova wukuyikwasha.

7: Nzambi Watwinkaña Etu



Kufwila

Kudiza iku kukutukwashaku kwiluka nikwiluka netu Yehova Nzambi hahanaña hohu kudi anyitookaku ninawa ashakama munyisumba yakayiku. Yena nawa wahanaña nakushika ndwa-a nakukalakesha nimunyikala. Neyi hohu tunakulondeja muchima Windi, tukumona kuhana Kwindi mudetu.



Vesi Yakanañachima

Taňaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akaňuka

mapampa kakavulu, nakulondelamu neyi eyi wunamanishi dehi.

Ilaña sambilenu kukeña wanta Windi nikuloña Kwindi niyuma yejima akuyishilaku.

Matewu 6:33



Kwiluka Yuma Yamu Mukanda Wajila

Tañaku mazu awa adi mwishina kudi ejima adi mwizanvu.



Bayi Mwakama Mwokuku (Matewu 6:25-34)

Dichi nukuyileja nami, kwakama wumi wenu nenu tukudyadi? Hela nenu tukunwadi? Hela mujimba wenu nenu tukuvwaladi? Bayi mwakama mwokuku. Wumi hiwabadika kudyaku? Hela mujimba hiwabadika yakuvwalaku? Talenu chachiwahi atujila ahaluzwizu, hiyakuwañaku, hiyamunañaku, hiyaloñaña munkalañaku, ayidiishaña kudi tata yenu wekala mwiwulu. Enu himwayibadikaku nankashi kulemaku? Mwinenwinyi wukwila akame-e anuña kuchiminu chindi chikunku chakweseka munkotweli yimu yachikasa. Indi dinu, mwakamenañadi yakuvwala?

Toñojokenu wuluya wamwisaña chiwakulaña, hiwakabakananaku, hiwashintañaku, ami nukuyileja nami mwalemeneniyi Solomoni mwejima, havweli chakweseka hela nawuluya iwu wumuku. Dichi Nzambi wavwikaña matahu amwisaña chochichi, akwila lelu adi kwoku kumadiki hiyakuyinatila mukesí, abuli kuyivwikenu chakubadika, enu mukweti kukuhwelela kwantesha? Dichi kwakama nenu, tukudyadi nehi? Tukuvwaladi? Hela nenu, tukuvwaladi? Bayi mwakama mwokuku. Muloña yuma yejimiyyi diyi yakeñañawu ajentili, tata yenu wamwiwulu neluki chimunakankili yuma yejimiyyi. Ilaña sambilenu kukeña wanta windi nikuloña kwindi, niyuma yejimiyyi akayishilaku. Dichi bayi mwakama ifuku dakmadikiku muloña ifuku dakumadiki dikudakama dadeni. Kutama kwefuku dinu

kunawani.

Kuvula kwamakukala chikaletesha etu kukañanya kovwahila munakeñiyi Nzambi etu kwila mumukala wetu. Hadaha kufuma muniyi yuma hikukala nikudakamena hadi mali chinatukañeshi chikupu.

Njila yimu muyatukañeshelaña yowu etu kuhembela muntu wacheñi wudi namali atwinki. Hekwawu twachimbelaña niényi adi neyi mamishoni hela mazanvu kulonda atukwashi. Twatalishaña kudi wena kulonda ahani kubadika chitwatalaña kudi Yehova kulonda atwinki.

Twatela wanyi kuhanalaña etu aweni, nawa ichi chikutiyakana, neyi tukwanakana ona mfwila wamubanda nichipompelu chaku Masidoniya. Iwu diwu muchima waNzambi wanyi. Nakeñi ninetu tutaleña hakukankila kwawa kwetu nawa.

Chuma cheneni chakubula kumushindamena Nzambi, chakudakamena.

Nimazu awa analondi etu tushinshiki hadi yileñaleña yaNzambi yidi neyi nyitondu, atujila amuluzwizu nijinkenu jamumaha kulonda twiluki netu Nzambi diyi wayinkaña niwena.

Natuleji nindi bayi mudihulaña nenu, “Etu tukunwadi? Tukuvwaladi? Etu tukudyadi?” Neyi twamukuhwelela hohu yena, wukutwinka yonsu yitunabulili.

Kudakamena nakubula kushindamena Nzambi hinshidi niyena. Akwanshidi adiñi antu abulili kumwiluka Yesu ninsañu yayiwahi. Kudakamena nikutemukila yuma dikwikala mukwanshidi, hidimu mwanakeñiyi Nzambi nindi etu twili wanyi. Nzambi nakeñi etu tukalakali nañovu nakwikala alala ashikilamu, ilaña hanakeñi etu kudakamenaku, nakudilumbikila yejima etu aweniku, chatelela kuhana maheta nimali etu nawa kudi akwetu.

Bayi kwakamenaku, twatela kutuula (kuhana) yisenda yetu hadi Yesu wukutwesha kutusendelayu. Kutoñojoka hayuma tunakufwila kwila mumukala wetu, tuhani kwakamena kwetu, nimakabi etu kudi Yehova Nzambi.



Mpanji

Mumazanvu awantu asatu hela awana, hanjikenu nakudileja nyichidi yayuma yimunakudakamena.

Kamuchiyedi ihulenu izanvu kulonda dikali nampinji yakudileja hanelukiwu nawu Nzambi nayikwashi dehi nawa nakuli kukulomba kwawu.

Dichi chatela etu kuhembela muntu kulonda atwinki yitunabuleni?
Tahindi Yehova wukutwinka hohu?



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

*Ilaña sambilenu kukeña wanta Windi nikuloña Kwindi niyuma
yejima akuyishilaku.*

Matewu 6:33



Kulomba

Yanzañani antu ekali ayedi-ayedi. Yileji adileji wumu namukwawu hachuma chinakwakamenawu muwumi wawu. Hekwawu himembala wamuchisaka, yakudya hela yuma yekwawu.

Dishilañenenu namukwenu kufumahu mulombi nenu Nzambi wukutwinka yitunakeñi.

Kufumahu inzenu hamu mwizanvu deneni nakulombelela hayifukula yimunatuñi hakukwasha antu mumukala wenu. Neyi mudi

namutanchi wayuma yimunakeñi, yinonenu kulonda mumwihuli Nzambi yayinkiyu swayi.



Mwevulu wakwila etu tulodejumu: Manakwetu Yun

Shilañenenu aka kaheka nawantu ejima kulonda kuyikolesha.

Manakwetu Yun wadiña kazweñi ka pastor wa chipompelu chakujinda chaheshina mwituña da Chayina (China). Mwituña da Chayina, chadiña chakala kudi akakristu kuhumañana hamu nakulombelela nawa niakulumpi jawu amavulu hamu ni aka kristu amakwawu ayikasili mutuleya.

Mukutachika kwakuhandwa kwindi wakeñeli mukanda waBayibu nawa nimukuhayama Nzambi wamuloñesheleli Bayibu. Mukakristu wumu washakamineña ku kabeta kakwakulehi waloteli chilota dichi wamuhempwili nakumutwalila Bayibu.

Kufumahu mukuhanda kwawumi windi, Manakwetu Yun amukwatili nakumutemesha ku Zhengzhou kwadiña kaleya kenenilañia watwalekelihu kushimwina kudi akwawu akasawu hamu niakakuhemba kaleya. Akasawu hamu niakakuhemba kaleya ekalili akakristu. Manakwetu Yun wakabakeni cheneni nankashi mukaleya kenakana, watoñojokeli nindi nakufwa hohu.

Ifuku dimu watiyili Spiritu Wajila nakumuleja nindi ediki mukana kaleya kadiña kakiñewa chikupu. Chumichi chatiyakeni neyi chakuhayamisha kudi yena, ilañia chelili Nzambi diyi wamulejeleña kwila mwenimu, wovwahilili nakulondelamu. Iku nakutiya woma wakumuloza, wendeli nakuhita muyenzelu yayivulu iyashiliwu yawashi hakuya nakwidikila kuchinsu cheneni nakukilukila hewulu dambañu ninochu chayiliyi.

Wadiñi neyi kwiji wudi mumujiminu kudi akalama. Nzambi wamukwashili hampinji yadiñiyi mukaleya nakumloñeshela njila yakutemukila neyi chochu chelililiyi Pawulu na Silasi mumukanda waYililu.

Nzambi wamuloñeshelili Manakwetu Yun. Hakeñeli nawa muntu wakumukwasha hohanaku ilaña Nzambi wamuloñeshelili hawumi windi. Wadiña nachikuhwelelu mudi Nzambi bayi mudi muntuku.

Mpanji

Mumazanvu awantu asatu hela awana, hanjikenu hanawa malwihi.

Twakuhwelela netu Nzambi nateli kutuloñeshela yuma yitunakeñi? Fumishaku cheñi mutanchi wayuma yiwasonekeli yiwunakukeña. Nzambi natweshi kukuloñeshelayu?

Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

Ilaña sambilenu kukeña wanta Windi nikuloña Kwindi niyuma yejima akuyishilaku.

Matewu 6:33

Yakwila Wunu Mulungu

Wanenu mpinji yakuhumañana wunu Mulungu.

Diyi mpinji yakutachika kufukula hayuma yiwunakeñi kwila mumukala weyi. Munakukeñeka muwani mpinji neyi izanvu nakwikala adihanahu chikupu.

Shinshikenu hamakabi amu yadihi imwatela kuzata, kulonda mudishilañeni mwizanvu dejima. Mwanuki nenu Yehova Nzambi natwinki jitalenta jejima, chiña nawa mubuli kujijimesha.

Etu wejima wetu tudi ambuka dichi twatela kwanuka kudinka nyidimu kweseka nanowu antu eluka kukalakala ochu chuma. Amakwawu ekala akola mukukalakala, amakwawu hiyakakuloñesha mwakukalakela yuma. Amakwawu hiyakuzata nakulumbulwisha

nyidimu chikupu.

Mpinji yikwawu twafwilaña kuzata nyidimu hela yuma twabulahu dehi kukalakala, nichumochu chikwikala chakala kudi etu.Bayi mutiya womaku, ilaña mwihihulenu Nzambi ayikwashiku.

Mwana hakutwesha kudiza kwendaku neyi hakutwesha kunyamuna chintampu chamwenduku. Chochimu nawa chidi chawalala nachuma chitunakwila ninetu namukala wetu.

Twayenu tunyamuki wejima wetu wunu mulungu.

8: Chikuhwelela – Twatela Tuchiteji



Kufwila

Kudiza kunu kukutukwashaku etu kulonda kutiyisha nyevulu
yayinjikijilu yawantu adiñi nachikuhwelelu mumukanda wajila
nichalumbuluka yuma oyu kudetu mumukala wetu.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

*Nochu nachikuhwelela yowu kwiluka chalala netu yuma
yitwachiñejaña yidi kwoku...yowu kwesekeja yuma yakadi
kumonewa muloña dimu, chakadi kukuhwelela hichinatweshi
kumutiyisha Nzambi kuwahaku, muntu wukwinza kudi Nzambi
chinga etiya nindi wudi kwoku, nindi wasomonanga antu
amukengakenganga.*

Aheberu 11:1 ni 6



Kwiluka Yuma Yamu Mukanda Wajila

Tunakuya nakusendahu nyevulu yaynjikijilu yakatalilahu kufuma mumukanda wa Heberu yitukwashi etu kuchitiyisha kukuhwelela. Mu Heberu kapetulu 11, yayilehi ilaña tunakuya nakutañahu mavesi amakwawu, ilaña mwatela kutaña kapetulu kejima kwitala deyi neyi wukweti mukanda wajila.

Tañaku mazu awa adi mwishina kudi ejima adi mwizanvu.



Chikuhwelela (Heberu 11:1-12)

*Nochu kukuhwelela yowu kwiluka chalala netu yuma
yitwachiñejaña yidi kwoku, yowu kwesekeja yuma yakadi
kumonewa. Muloña dimu mwatiyakeneni akulumpi mpuhu
yayiwahi.*

*Nakwitiya kwakukuhwelela tuneluki netu matuña amakonu
ejima ayileñeli nezu daNzambi, chakwila yuma yamonewaña
hiyayilili nayuma yamwekanañaku.*

*Nakukuhwelela Abeli wamulambwili Nzambi mulambu
wakubadika walambwili Kena, dichi hakutiyakana mpuhu
nawu waloña; chatambwiliyi Nzambi yamukunkulu yindi*

wamushimwini wunsahu; dichi hela wafwa wuchidi kuhosha nihanu.

Nakukuhwelela amutuntulwili Enoki kulonda abuli kumona kufwa. Hiyamumwenuku muloña amutuntulwili kudi Nzambi. Helili kanda amutuntululi amushimwini wunsahu nawa wamutiyishaña Yehova Nzambi kuwaha, chakadi kukuhwelela hichinatweshi kumutiyisha kuwahaku.

Muntu wukwinza kudi Nzambi chiña etiya nindi wudi kwoku, nindi wasomonaña antu amukeñakeñaña nakukuhwelela Nowa, chamulejeliwu kudi Nzambi nsañu yayuma yachidiñi kanda yimwekani, chamutiyiliyi Nzambi woma hakuloñesha watu wakuhandisha nachu antu ampata yamunu mwishina, hakwikala nswana yakuloña kwakufuma kukukuhwelela.

Nakukuhwelela Abarahama, chamutambikiliwu kukwovwahila hakufuma mwadiñiyi nakuya kwakukeña kutambwilayi wuswana; hakufuma mwadiñiyi chakadi kwiluka kwakuyayi nakukuhwelela hakwikala mwenyi mwituña damukaniniwu, neyi mwambala hohu, nakushakama mumatenti nalsaka naYakoba, answana akuswana nindi chikaninu chochimu; muloña wadiñi nakatalila ñanda yikweti yikuku, yakwila mukwakuyipima nikuyituña yowu Nzambi.

Nachikuwhelela hela yomweni Sara watambwili ñovu, yakubaaba ivumu heliliyi nakuli dehi napandakani dehi havwalilañawu anyana, muloña watoñojokeli wakanini nindi washinshika. Dichi kudi muntu wamu, wela dehi neyi mufu, kwavwalikili antu amavulu neyi tutumbwa twamwiwulu, neyi wusekulula wakuchikumu chakukaluñalwiji wakachindewaña.

Awa antu ejima adi mumukanda waHeberu anafumi mumukanda wachitiyañenu chachikulu. Nsoneki yanawa mazu wadiñi nakusoneka kudi ajentili adiñi eluka awa antu ejima. Neyi

chitunabuli kukula nakwiluka nsañu yanawa antu, twatela tudizi iji nsañu niyuma yayivulu yakutalilahu yamaneni yinatwinkiu etu.

Kukuhwelela hikwiteja chalala nakwiluka netu yuma twachiñejaña yidi kwoku. Yowu kwesekeja yuma yakadi kumonewa. Chakadi kukuhwelela hichinatweshi kumutiyisha Yehova Nzambi kuwahaku. Antu anekali anyana kaNzambi atelela kuhande nansimbi jambuka kufuma kudi akwawuacheñi. Kwesekeja neyi Yehova nindi nukuyinka, twatela kwiteja mwenomu nakwilamu chatelela nawa. Neyi Nzambi nindi wukutukiña etu, twatelela kwiteja munahoshiyi chacheni chikupu.

Neyi tunona antu ayedi munawa mazu adi hewulu tukumona chalala chalumbuluka kukuhwelela mudi awa antu ayedi muchitiyañenu chachikulu.

Nsañu Ya Nowa (*Yinakuwanika mu mukanda wa Kutachika kapetulu 6-9*)

AHeberu 11:7 yinahoshi hachikwohwelela cha Nowa.

Mumukanda waKutachika kapetulu 6:22, anahoshi nawu, “Dichi cheliliyi Nowa mwejima mwamulejeliyi Yehova Nzambi dimu mweliliyi.” Nzambi watemesheli dibaji, ilaña wakeñeli kupulwisha ana amukuhweleleli. Wamulejeli Nowa kutuña watu hewulu deseki dawuma hakadi menji! Antu amusekesheli nawu, nandali mumesu. Dibaji damenji denjili hamaseki – antu ejima ajilumukili, kushala hohu Nowa ni akwetala dindi. Nowa kukuhwelela kwindi mudi Nzambi wahandili.

Kukuhwelela kwakeñeka kwilamu. Ichi chinakulumbulula nawu etu twatela kwila mwanatulejiyi Nzambi hela tuhu hichinatulumbulukiliku chitunakwililaku.

Nsañu ya Abarahama (*Yinakuwanika mu mukanda waKutachika kapetulu12 ni 17*)

NiHeberu 11:8-11 yinahoshi handi chikwohwelela cha Abrahama ni ngondidi Salayi.

Abarahama amulejeli kudi Nzambi, Nzambi nindi wukwikala namwana weyala helatuhu washinakaja dehi niñodindi hinshintia. Iñodindi hetejeluku hela chanti, hakuseha nikuseha nindi ami napandakana dehi havwalilañawu anyana. Nzambi wamulejeli cheñi nindi, anyaneyi akavula neyi tutumbwa. Abarahama wajinokeli hawkiteja, wesekele nindi chimwekani halwindi hohu, chadiñiyi nañamba yindi. Ilaña wetejeli kunsa yachu. Nzambi wamukiswilili Abarahama niñodindi wavweli mwana wachikaninu chindi.

Wadiñi wachikuñwelela hela wafwili henohu kanda atambuli yuma yejima yachikaninu. Anyanindi adiñi kanda avuli neyi tutumbwa twamwiwuluku. Mpinji yikwawu twatela kuhimbela mpinji yayilehi kulonda kwakula kwaNzambi kukulomba kwetu nakuwanisha yikaninu yindi. Anyana ka Abarahama lelu wowu antu ejima adi nachikuñwelela naNzambi ya Isarela. Nzambi wahembeli yikaninu yindi naAbarahama.

?

Mpanji

Mumazanvu awantu asatu hela awana hanjikenu awa malwihi.

- Wukweti chikuñwelela neyi Abarahama hela Nowa kulonda wakeli chochimu neyi cheliliwu wena?
- Twakeñañadi mukwitiya kulonda kukuhwelela Nzambi? Tanjikaku yuma yayeni mukuhanda kweyi hela yamumukala weyi.

?

Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

*"Nochu nachikuhwelela yowu kwiluka chalala netu yuma
yitwachiñejaña yidi kwoku...yowu kwesekeja yuma yakadi
kumonewa muloña dimu, chakadi kukuhwelela hichinatweshi
kumutiyisha Nzambi kuwahaku, muntu wukwinza kudi Nzambi
chinga etiya nindi wudi kwoku, nindi wasomonanga antu
amukengakenganga."*

Aheberu 11:1 ni 6



Mwevulu wakwila etu tulodejumu: Manakwetu Andeli

Shilañenenu aka kaheka nawantu ejima kulonda kuyikolesha.

Mwana kamuchiji, Manakwetu Andeli hamanishili nishikola yeneneriku. Ilaña Nzambi wamukalakesheli iwu iyala kadachi, mwomu mwindi mwamukulu, nashikola yindi yantesha chakadi wukwashi nimali akwila nachu yuma yahosheli amavulu nawu yalema. Kufuma mwituña da Yugosilaviya nikumujika waKoley, Manakwetu Andeli, weñilili mumatuña akala, akeñesheli mazu ansaňu yayiwahi, kuleta nyikanda yajila nakuloñesha akwakwitiya.

Mpinji yayivulu wadishili mumaluña akala afwana hamuloña wawakwawu. Mwevulu wumu wachahanañayi Nzambi chakuhayama, iwu Manakwetu Andeli wakeñeli kufwetela pasu. Chelili Andeli natambwili ñenji ifuku dakwila kunashali ifuku dimu kulonda yena atemeshi yipapilu yakulombelahu kumwiteja kutambula pasu. Wakuhweleleli nindi iwu ñenji nenzi nakumwinka mali akufwetela pasu. Niñenji wadiñi diyi Richard, iyala welukiliyi Andeli mu Glasgow, Muputo. Iwu iyala Richard henjili kulonda ahaniku ilaña nakwihula. Andeli walumbulwili nindi hadiña namali akumwinka Andeli yenaku. Chadiñi nakuhoshayi, Andeli wamweni ishiliñi damali heseki, nishiliñi nawa diwu mali adiñi nakukeñayi Andeli kufwetelayi kupasu yindi, kulonda atweshi kushakama hamukala wakudizila wamazu aNzambi. Chakubula kuhemba idi ishiliñi yena, wamwinkelidu iwu iyala Richard. Andeli welili mwelukiliyi mwaloña. Ilaña Nzambi wadi kumwinka ñahi? Kapinji kanti kahitili, Andeli watambwili mukanda mwadiñi mali mashiliñi makumi asatu 30. Nzambi namwinki dehi yena munjila yakuhayama

chakubadika chikupu.

Muyaaka yalondelelimu, Andeli wadihanini wumi windi hakubula yuma yachipompelu mumatuña adikaña nansaňu yawkiteja jaKristu. Munawa matuña nyikanda yajila yamazu aNzambi ayiteja wanyi, hela kuyilandisha, kuyisoneka nikuyitaña. Chiyulu chanfulumendi chatadikishaña akwakwitiya nayipompelu, kukwata nakukasa atubiña, nikukalisha kuhanda kwawantu amayala nawambanda.

Nzambi wamwinkelji Andeli motoka wambachi wawiha kulonda namotoka weniwu atwesheña kujindilaňamu nyikanda yajila nakutwala mumatuña abulililili. Kuzata hohu muyaaka yanti, Andeli wafuntili cheñi kuputu (Holland). Iku kwashimwiniyi yuma yejima nakuya cheñi kwiluña dekwawu kwacheñi mwituña odu. Wenyi wanjila yindi wejima mwadiňi nsaňu, jachanamwinkiyi Nzambi chakuhayama yena Andeli nikumulombola nakuhumaňana nawakakwitiya aNzambi.²



Kulomba

Dilombelelenu muntu namukwawu ayedi nayed.

Lombenu nenu hamuntu hamuntu amwinki chamukunkulu chakukuhwelela nakutachika kwiteja Nzambi nachikuhwelelu chakubadika chimwadiňa nachu.

Chamukunkulu chakukuhwelela hichamukunkulu chaspirit u wajila, dichi nawa neyi tunakulomba chiňa twiteji netu Yehova Nzambi wukutwinkachu etu. Yakoba 1:6 nahoshi nindi, Neyi tukulomba, chiňa nawa twiteji chakubula kujinoka.

Anukenu Yesu wahosheli nindi, tunakukeňeka chikuhwelela chachipimu chamwinyawu yambutu yamusitadi kulonda kufumisha

²Wortes, David N. (Ha 10 February 2012), Yaya Andrew Mukakopa [KEYALA YA SAMBU] Yidihoju ha: <https://www.inspirationalchristians.org/evangelists/brother-andrew-biography/> [Kuwanewa ha 28 April 2020]

mapidi. Neyi tudi hohu nachikuhwelelu hayuma yanyanya, dikoleshenu neyi chimukwitiya Nzambi hatuyuma twanyanya nichikuhwelelu chenu chikukula. Mukutwesha nawa kwikala nachikuhwelelu nayuma yamaneni.



Yakwila Wunu Mulungu

Fukulenu mpinji nikwiluña kwakuhumañena wunu mulungu.

Mwatela muloñeshi mutanchi wayuma yimunakeñi kuzata.

Chuma chimu chiwatela kwila hikutala hayiwunatanjiki yinakukeñeka chikupu, toñojokenu chiwatela kuwana yuma yeniyi yikwawu.

- Wunakukeña kutuña yuma?
- Wunatweshi kusondama yuma?
- Wunakukeña kukuñululahu maheta mwizanvu denu kulonda mulandi yuma yikwawu?
- Wunakukeña kuwanahu muntu wakulukila kulonda akukwashi kwiluka yuma yekwawu yayiha?
- Kudihu mazanvu amakwawu atela kuyikwasha?

Hachuma chejima chiwudi nakwila, bayi wufunta hanyimaku, nakuhembela muntu wacheñi enzi nakukalakala ochu chuma cheyiku. Antu akalakesheliyi Nzambi muchipompelu chatachi adiñi wowu akakwitiya amafuku ejima, bayi antu akufuma kwacheñiku.

Twayenu twanuki neyi akwakwitiya tukweti Nzambi wakuhayama wukutwesha kwila yuma yamaneni kuhitila mudi etu, antu indi.

Twatela twikali nachikuhwelela nikumushindamena yena nichitukumukoñelaña Yena.

9: Kukalakesha Ntalenta Yeyi



Kufwila

Kudiza kweniku kukukwashaku kuchitiyisha neyi muntu wejima mwizanvu wukweti chamukunkulu chambuka nijintalenta janamwinkiu kudi Nzambi. Twatela nawa wejima wetu kujikalakesha kulonda yitukwashi wejima wetu.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka

mapampa kakavulu, nakulondelamu neyi eyi wunamanishi dehi.

*Kudi yamukunkulu yacheñi nayacheñi, ilaña Spiritu yowumu
kudi nyidimu yacheñi nayacheñi, ilaña Mwanta yowumu. Kudi
kukalakala kwacheñi nakwacheñi, ilaña Nzambi Yowumu
wakalakalaña yuma yejima mudi ejima.*

1 Korinda 12:4-6



Kwiluka Yuma Yamu Mukanda Wajila

Tañaku mazu awa adi mwishina kudi ejima adi mwizanvu. Hinsaňu yahosheliyi Mwanta Yesu, kulonda etu yitukwashuku kukalakesha jintalenta janatwinkiu kudi Nzambi kukalakala nachu mudimu Windi.



Chishimu ChaJintalenta (Matewu 25:14-30)

*“Muloňa chidi neyi muntu wukukeña kuya kwituňa dacheñi,
hakutambika anduňu Jindi, hakuyishila yuma yindi wumu
hakumwinka ntalenta jitanu mukwawu jiyledi, mukwawu
yimu, mwomwesekela ñovu jawu, hakuya nimunjila yindi.
Hohenohu owu iyala watamwbili ntalenta jitanu
hakunyamuka, hakuya nakuyilandujola, hakuwaninaňahu
jikwawu jitanu. Chochimu nawa niwatambwili jiyledi
wahetelelihu nawa jikwawu jiyledi. Ilaña owu watambwili
yimu hakuya nakupunda heseki, hakusweka mali ankaka
yindi.*

*Chihanalehi nankashi, nkaka yanowu andungu hakwinza,
hakuchinda mali awu. Owu iyalawtambwili ntalenta jitanu
hakwinza, hakumuletela jikwawu jitanu, nindi, eyi nkaka,
wanyinkeli jitalejnta jitanu; tala naheteluhu jikwawu jitanu.
Nkaka yindi hakumwila nindi, chahiwahi, wundungu
wamuwahi washinshika; wunashinshiki nayuma yatesha,
nukukwinka wanta wayuma yayivulu; ingila mumuzangalu
wankaka yeji.*

Chihanalehi nankashi, nkaka yindi hakumwila nindi, chachiwahi, wunduňu wamuwahi hakushinshika wamushinshikili nayuma yantesha nukukwinka wanta wayuma yayivulu, iňila mumuzaňalalu wankaka yeyi.

Watambwili ntalenta jiyedi hakwinza nawa, nindi eyi nkaka, wanyinkeli ntalenta jiyedi; ala, nahetelihu ntalenta jikwawu ji yedi, nkaka yindi hakumwila nindi chachiwahi, wunduňu wamuwahi washinshika; wunashinshikili nayuma yantesha nukukwinka wanta wayuma yayivulu, iňila mumuzaňalalu wankaka yeyi.

Watambwili ntalenta yimu hakwinza nawa nindi, Eyi nakaka, nakwilukili nami wumuntu waKala wamunaña kuwabulili kukuwa, wakuňululaña kuwabulili kumwaňila. Dichi natiyili woma, hinukuya nakuvumbika ntalenta yeyi heseki, tala yuma yeyi iyi.

Nkaka yindi hakumwakula nindi, eyi nduňu watama wakatala, welukili neyi namunaña kunabulili kukuwa, nakuňulaña kunabulili kumwaňila; walekelelidi kusha mali ami mubanki, kulonda ichi chinensi nitambuli yami niyakulunjikahu?

Dichi mutambulenu ntalenta yadiyi nayu mwinki wukweti ntalenta ikumi. Muloňa wukweti akamwinka wakaheta yayivulu; hakwila wabula akamutambula ninaka kadiyi naku. Iwu nduňu wamukunkulwayi mumbilenu kumwidima wahanzi; kwakekala kudila nakudisumona kumaji.

Yesu wahosheli nayishimu kulonda kutukwashaku etu kwiluka Wanta waNzambi chiwekala. Ana mayala asatu muniyi nsaňu ayinkeli mali kushikila muwuswa wawu.

Wejima wetu anatwinki chamukunkulu nimwakwilila chitwatela kukalakesha chaloňa chatelela. Amayala ayedi atachi ayihamekeli hakukalakesha mali nakuhetelahu amakwawu nawa. Ayinkeli yuma

yamaneni. Ilaña iyala wumu wadiñi wakatala hakutiya woma nakusweka ntalenta yindi kwacheñi chakubula kuyikalakesha kudi wumu.

Iwu iyala amutambwili nawu watama amutambwiliji ntalenta, kufuma kudi yena. Mu Yowanu 12:23-25 Yesu nindi, muntu wukukeña wumi windi mumpata yinu wakawujimbasha. Nakutuleja etu hamu kulonda tuheli wumi wetu mumpata yinu, bayi kuwuhembaku. Chaluwa nawa kwiteja woma kutuneñesha etu kufuma kukukalakala chuma. Chidi hohamu nakwikala wakatala. Neyi tukwikala nawoma nyidimu yikuzatika wanyi.

Kudi chuma chimu chasweja kulema nakashi chitwatela kwiluka entu. **Jitalenta ni nyidimu yinayikuwu antu hiyanayiki nawu jawu awenaku.** Yadiñi yakumukalakeshela mwanta. Hela tuhu atambwili wuloku, neyi ahembeli jintalenta jawu awenawu, adi kwikala neyi ona nduñu watama wakatala.

Jintalenta jetu jatela kumukalakeshela Nzambi. Nawa tunachimoni netu ninyidimu yindi yinakukeñeka kudi ana atunyeñumuka, etu tuyilejeña ja Yesu. Neyi tukuchila wanyi ichi hitunakuzatisha jintalenta jetu wanyi. Tunakujihembela etu awenetu.



Mpanji

Muntu halwindi watela kutoñojoka hadi iyi yuma chakapinji kantesha.

Toñojokenu hadi yuma yiwelaña chachiwahi, niyuma yakukalila kwila. Toñojokaku yuma yisatu yiwatela kwila chatelela nichuma chimu chiwabulaña kwila chatelela yisoneki yuma iyi.

Anzañanaku izanvu mumazanvu awantu asatu kulonda ahanjeki iyi yuma.

- Chumanyi chatukañeshaña etu kubula kuzatisha jintalenta jetu chachiwahi munykala yetu?

- Tukuhimpa yeniyi yuma yatukañeshaña etu kukalakesha kulonda tukalakeshi ntalenta yetu chachiwahi?
- Mumazanvu enu, toñojokenu mudimu wumu wakwila akwenu amakwawu awilaña chachiwahi. Dikoleshenu wumu namukwawu nakudilejaleja wumu namukwawu hachuma chelañayi chachiwahi.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

“Kudi Yamukunkulu yacheñi nayacheñi, ilaña Spiritu yowumu kudi nyidimu yacheñi nayacheñi, ilaña Mwanta yowumu. Kudi kukalakala kwacheñi nakwacheñi, ilaña Nzambi Yowumu wakalakalaña yuma yejima mudi ejima.”

1 Korinda 12:4-6



Mwevulu wakwila etu Tulodejumu: Jackie Pullinger

Shilañenenu aka kaheka nawantu ejima kulonda kuyikolesha.

Tunatweshi kwikala ntañishi, ndimi hela yuma yikwawu, ilaña ejima wetu tunatweshi kuya nakuzatahu mudimu waNzambi.

Jackie wadiña nayaka ikumi nayitanu. Wakeñeli kwikala ka mishoni, dichi wasonekeleli kuyikuku yayivulu yawa mishoni. Hatachi wakeñeli kuya mu Africa, ilaña wadiña nachilota chamuzañalesheli hayitoñojoka yindi yakuya ku Hong Kong. Hakukañanya kuwana wukwashi kufuma kuyikuku yawa mishoni, wehwili mwakwiliwa kudi Richard Thompson, kanampumba.... Wamulejeli nindi watela alandi itikiti dakukandamina muwatu wunakuya kwakulehi niyena nawa ayi ilaña watela kulombela kulonda yakeluki hakusulukila muwatu. Walondeleli wukwashi weniwu nakuya ku Hong Kong nawatu muchaka cha 1966. Ilaña helachochu, chashikiliyi kuna, helukiliku muntu niwumuku, nawa hadiñahu namaliku...nichuma chacheni

chamwitejeleliwu kwiñila mumusumba weniwu kudi akalama ahajiñinza yadiña muloña mwana kamama yindi wadiña kapokola mwenamuna. Wawanini mudimu wakutañisha hashikola mumukala watuñawu nampwembu wa Kowloon, wadiña hayaka yamu 1960 hiwadiña nashimbiku nawa nihampinji yikwawu wekalili mukala wumu wabadika kutoha mukaayi kejima wedishileña yihemba nawa awuzatishileña kudi makombi aku chayina...watuñili jikilabu jawakwenzi nakukwashanaku kukehesha kwakunwaña kwakuhitakesha kwamabuji ayitumbu yashetana ninana akamujokeleña munyikwakwa.

Muchaka cha 1981 watachikili shikola yamudimu waluwi yateneniyi nindi St Stephen yakwasheneña hakutuña nyikala yakushakama ejima adiñijili mukunwa yitumbuyashetana, ayivumbi hamu ni amakombi. Chashikili mu Kwali 2007 mukala weniwu watoheli nawa hawanikileña antu akushika ku 200. Mudimu weniwu waluwi awilukili nikumfulumendi ya Hong Kong, awa ahanini ninsaña dakutuñila mukala wekwawu. Mudimu wakukañesha ana anwineña yitumbu yashetana wadiña wakola. Yatelela ayinki yitumbu ilaña ayinkeleña mukapeka hadi mafuku ikumi nakuyilembelela nikuyihemba kudi izanvu danana enjilila dehi kunwa yitumbu yashetana.

Yuma yejimiyyi niyikwawu yamaneni yamwekeni muloña Jackie wafwilili kuhana yantesha yadiñiyi nayu nikulondela Nzambi. Hadiña neyi kwiji ona nduňu wakatala nawa wawomaku. Hitunatweshi kwiluka mwakwilila chumaku. Hela kwikala namali akwila nachi, naNzambi hohu, wukutuleja njila niyuma yamaneni yikumwekana.³



Kulomba

Mumazanvu awantu ayedi hela asatu imwadiñimu, munateli kulombelela haniyi yuma:

³Wambula kwilukewa (15 March 2020), Jackie Pullinger [KEYALA YA SAMBU] Yidihohu ha: https://en.wikipedia.org/wiki/Jackie_Pullinger [Kuwanewa ha 18 April 2020]

- Dilombelelenu wumu namukwawu hayuma yimunahanjeki.
- Musakililenu Nzambi hajintalenta jinenkiyi hadi ejima wenu.
- Lombenu nenu nyikoleku yakañeshaña iku kuzatisha mawaana hela jintalenta yifumishewi chikupu.
- Lombenu nakushindamena chikupu nenu Spiritu Wajila wukuyikwasha kuzatisha mawaana hamu nijintalenta hadi akwenu.
- Lombenu nenu yuma yimukwila yizatiki chiwahi, nawa nenu himukwilahu mudimu watama hela wawukatu wanyi.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

Kudi yamukunkulu yacheñi nayacheñi, ilaña Spiritu yowumu kudi nyidimu yacheñi nayacheñi, ilaña Mwanta yowumu. Kudi kukalakala kwacheñi nakwacheñi, ilaña Nzambi Yowumu wakalakalaña yuma yejima mudi ejima.

1 Korinda 12:4-6



Yakwila Wunu Mulungu

Twalekenuhu nakwila nyidimu yanyanya nukwiteja muchikuhwelela nenu Nzambi nakuya nakuyikwasha, nakuyinka kulonda enu mukalakeshi kumudimu.

Chiña mudanzañeni enu wejima wenu nyidimu yakukoña. Mukutwesha kukalakala chatelela chachiwahi neyi izanvu. Chiña nawa mutiyilila nikudi akwenu ana amwena mwizanvu denu, hadaha adi nayitoñojoka yambuka yayiwahi.

Mwatela kumona nenu munatoñojoki kumanisha owu mudimu chakubula kuleka!

10: Kukeña Kwa Nzambi Kwatandaña



Kufwila

Kufwila kwakutaña kunu kokwakutukwasha etu kulonda tuchitiyishi netu tudi namudimu weneni nankashi neyi anyana kaNzambi. Etu yetu inoňu hela chejeji chamumukala wetu. Twatela nawa tutuntululi chejeji ichi kudi akwetu atela nikwinka chakubadika ninetu.



Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

*Ninenu nawa chejeji chenu chitoñekeña kumesu awantu,
kulonda amoneña nyidimu yenu yayiwahi, alemesheña tata
yenu wudi mwiwulu.*

Matewu 5:16



Kwiluka Yuma Yamu Mukanda Wajila

Tañaku mazu awa adi mwishina kudi ejima adi mwizanvu.



Kukalakela Antu (Matewu 25:31-45)

Ilaña chakenzayi mwana kamuntu nalubanji lwakulema kwindi, hamu nawangelu jindi ejima, wakashakama hetanda dawanta dakulema kwindi. Nyuza yejima akayipompesha kumesu indi; wakaabola muza namuza, neyi chaambulañayi kabiña anyikoku nawampembi. Anyikoku wakayisha kuchikasa chindi chachidilu, ampembi kuchimunswa. Henohu mwanta wakayila akuchikasa chindi chachidiilu nindi, Inzenu enu anakookeleshewu kudi tata yami, swanenu wanta wenu wayiloñesheleluwu kufumisha haaliluwu chikuku champata yamunu mwishina.

Muloña hinatiyili nzala, enu mwanyinkeli yakudya, hintiyili mpwila, enu mwanyinkeli yakunwa, hinadiña mwenyi, enu mwantambwilili, hinadiña nawuvu enu mwanvwikili hinakatili enu mwenjili nakuntala; hinadiña mukaleya enu mwenjili kudami. Henohu aloña akamwakula nawu, Mwanta ifukwinyi twakumweni nanzala, etu tukudiishi? Hela nampwila, etu tukunwishi? Ifukwinyi twakumweni nawenyi, etu tukutambuli? Hela nawuvu, etu tukuvwiki? Ifukwinyi twakumweni nakukata hela mukaleya, etu twinzi kudeyi?

*Mwanta wakayakula nindi, nukuyileja chalala nami
chimwakalakeleli mana kwami wumu, chalala yowu wadiñi
wakehelamu, mwakalakelelami. Henohu wakayila
akuchikasa chachimunswa nindi, mfumeni enu mwashiñewa,
yenu mukesi kahaya nyaka kaloñeshelelu diyabola
nawañelu jindi. Muloña hinatiyili nzala, enu kunyinka
yakudya nehi. Hinatiyili mpwila enu kunyinka yakunwa nehi,
hinadiñi mwenyi enu kuntambula nehi. Hinadiñi nawuvu, enu
kunvwika nehi, hinakatili nihinadiñi mukaleya, enu kwinza
nakuntala nehi, henohu niwena nawa, akakuula nawu,
mwanta, ifukwinyi twakumweni nanzala hela nampwila,
hela nawenyi, hela nawuvu, hela nakukata, hela mukaleya,
etu tubuli kukukalakela?*

*Henohu hakuyakula nindi, nukuyileja chalala nami,
chimwabulili kukalakela wumu wahadi ana akehelamu,
mwabulili kukalakelami.*

Neyi akwa Kristu, chalumbulukadi kwikala chejeji? Hichuma chejima chitwelaña nikuhosha neyi twavwalika chachiha niwumi wetu awubalumuna dehi kudi Yesu, dichi akwetu atelela achimoní nikushimuna chituna kuhanda nawumi wetu. Twatela twikali ambuka nana antu atunyeñumuka etu.

Chejeji chawkataña mukapeka kejima, chatemunaña nimwidima. Mwidima hiwatweshaña kutemuna chejejiku. Mwomumu ninetu dichi chitwatela mukuhanda. **Etu kuhanda kwetu kwatela kwikali kwambuka kulonda kukuletesha kubalumuka kudi ejima atunyeñumuka etu.**

Yesu wadiñi nakuhosha munawa mazu nindi, neyi tunafwi- hela Yesu neyi nafunti, twakamumona kumesu Indi. Wakatuleja nindi hinadiñi nanzala enu mwakwanshili hinatiyili mpwila mwanyinkeli yakunwa. Etu twakakañanya kwanuka kumuhumañana Yesu nakumukwasha.

Yesu hatoñweli mwenimuku, watoñweli nindi chejima chitukukwasha wudi wejima, twamudishila niyena. Neyi tukukalakela muntu, tuchili neyi tunakumukalakela Yesu bayi neyi muntuku.

Yesu nakeñi etu tukeñi antu, yena nakeñi etu tukwashi antu, chejeji chetu bayi neyi kuyileja hohu antu Yesuku. **Hikumumwekesha chekalayi Yesu kudi wena kuhitila muyuma yitwahoshaña niyitwelaña etu, nakukalakala.**

Chochu chinahoshi vesi yakanañachima, tulekenu chejeji chetu chitoñeki kudi antu nawa chatela chitoheña nikutwalekahu nakutoha. Etu hitwadi kufukula nakutoñojoka netu tukuhemba ñahi kukeña kwaNzambi etu awenentu.

Neyi inoñu akudisweka hela kudibutula nehi, hidamwekeshaña chambuku nihanti kudi mwidima wanyeñumuka kwindo-o, hadaha hiwudi nikoku. Kuchibalu chekwawu chaswijañaku mwidima hakubula kukeña chuma. Chiña hohu neyi inoñu adibutula nimulañi wukumwekana dihu hiwahañaña mwidima. Inoñu chiña dibutukaña nakuhana chejeji. Hohamu ninetu nawa chiña tukwataña nakuhanaña chejeji. Mwidima awila kulonda wutemuki chakubula kwinza cheñi hanyima, neyi etu tudi nakukwata chejeji.

Kunyikala yetu, hela mutwakumañena nyikala yetu, chumanyi chitukubulila kuhana kudiza iku kudi antu amakwawu kwekwawu, hela kutachika izanvu kwekwawu, kulonda niwena ekali chejeji mumaluña kwashakamawu.

?

Mpanji

Ikalenu mumazanvu mudi antu asatu hela awana. Hanjikenu hadi awa malwihi, kwihula antu aleji amakwawu amwizanvu yitoñojoka yawu. Neyi anakumishi dehi kuhanjika mpanji.

- Tunadizihu chumanyi kufuma mukutaña iku, indi tunakwilahu chumanyi chitwabulileña kwila hakutachika?
- Kukalanyi kutunamoni, indi tukuyiika ñahi iku kukala?
- Etu Tunakutachika kwikala chejeji mumukala wetu?

Kulomba

Ikalenu ayedi nayedì mwizanvu nakudilembelela wumu

namukwawu.

- Dilembelelenu nenu muntu wumu namukwawu akekali nachamukunkulu chawaana chakukalakala nikukwasha antu.
- Lombenu nenu Nzambi wukutukwashaku kuwana jinjila jajiha mwakwilila.

Neyi izanvu dejima hamu

- Lembelelenu mudimu mudi nakukalala, kulonda Nzambi ayinki kulumbulwisha.
- Lombenu nenu chikuhana chejeji kudi antu mumukala wenu.

Vesi Yakanañachima

Tañaku vesi yakanañachima hewulu nezu datiyakana kudi ejima adi mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

Ninenu nawa chejeji chenu chitoñekeña kumesu awantu, kulonda amoneña nyidimu yenu yayiwahi, alemesheña tata yenu wudi mwiwulu.”

Matewu 5:16



Mwevulu wakwila etu tulodejumu: Chipompelu Chatachi

Shilañenenu aka kaheka nawantu ejima kulonda kuyikolesha.

Nsañu ya Chipompelu chatachi yitukuwana mumukanda waYililu, hinsañu yakuhayamisha. Yinakutuleja etu chiwendeleña mujimbu wansañu ya Yesu kufuma, kudi mwabwambu jaYesu nakushika kuñanda yalema nankashi yakayi hampinji oyu, diyi Roma.

Ichi chamwekanaña munjila jajivulu, Ilaña njila yalema nankashi yoyu, antu amavulu namavulu adiñimu. hichadiñi chamuntu wumuku. Chadiñi chawantu amavulu nakuzatila hamu nakwila muchima waNzambi.

Pawulu Kapositolu wadiñi muntu wasweja kulema mumukanda waYilili. Wadiñi nakuya hawenyi weneni, nakukwasha antu kulonda amwiluki Yesu. Hadaha wukukuñulula izanvu dawantu heluña dimu nakuyitañisha wena. Mpini yekwawu antu adiñi nakukewa, hohamu amakwawu adiñi nakukwashewa.

Pawulu wachishinshikili nindi hadi kuchila kankawindiku. Dichi wahembeli kukolesha antu adiñiyi nakuhumañanayi nindi ekali nakukalakala. Pawulu amujahili hakwikala mukwakristu, ilaña nyidimu yindi saña yahandila nilelu. Muloña wakwashili antu amakwawu. Wamumwekesheli Yesu kudi wena nakuyishindamena wena. Wetejeli nindi Nzambi wukuyizatisha wena nakwila yuma yamaneni.

Neyi chipompelu chatachi, etu twatela kwila mwomumu nawa. Twatela kwiteja antu amakwawu nawa. Hekwawu etu tukutwesha kukwasha antu amavulu neyi chikutweshekewa, cheñi nakudileja iyi nsañu nawakwetu kulonda adizi chatelawu kukeña mukala wawu niwena.

Mpanji

Ikalenu mumazanvu awantu asatu hela awana. Hanjikenu hadi awa malwihi, ihulenu antu aleji akwawu yawu neyi anakumishi dehi kuhanjika.

- Tukushilañena ñahi ichi ‘chejeji’ nawantu amakwawu adi mumukala hela mutwatuñila nawu nyikala?
- Nawanyi tukudileja nawu iku kudiza nimukwila, tukwashani kwikala chejeji munyikala yawu?

Sonekaku awa majina awantu nawa wuchili wikali mudimu weyi wakuyileja ja Yesu nikuyikolesha wena atachiki kukeñaña nyikala yawu awenawu.

Vesi Yakanañachima

Tañaku vesi yakanañachima hewulu nezu datiyakana kudi ejima adi

mwizanvu. Yikwashiku adizimu nakufuntulukamu namazu akañuka mapampa kakavulu, nakulondelamu neyi eyi wunamanishi dehi.

“Ninenu nawa chejeji chenu chitoñekeña kumesu awantu, kulonda amoneña nyidimu yenu yayiwahi, alemesheña tata yenu wudi mwiwulu.”

Matewu 5:16



Yakwila Wunu Mulungu

Wunu mulungu watela wutwalekuhu nakwila nyidimu yeyi yanyanya. Munyilungu yinakwinzahu, wakatwalekahu nanichi, nikutwalekahu nakukwasha antu mumukala weyi. Hohamu nikuleja antu nsañu ya Yesu, ichi dichi chiwadi kwila neyi mukwakristu.

Wukuchiluka neyi iku diku kukumisha kwakutaña kunu. Hela chochu hidikulumbulula nawu tunaleki dehi kwila yuma yitunadiñi nakwila, hela yitunatanjiki, kwilaku. Mulungu wejima wunakukeñeka wutwalekuhu nakuhumañana hamu, nakutwalekahu nanyidimu yiwatchika dehi. Tunadiñi hohu nakukweseka kukukwashaku eyi, wumoni chiwatela kwila.

Chineli diwu mulungu wakukumisha tunakukeña eyi wili chuma chaditulahu mumukala wenu, hela, kuyahu kumukala wumwadikuma nawu mumwatuñila iñinza, nakuyilejahu niwena hansañu iyi yiwanatañi, nichimumadiñi nakwila. Hanaku wunsahu weyi chichinakukwashiku eyi. Nawa yikwashiku nakuyikolesha niwena atachiki iku kutaña, yinkiku niwena iwu mukanda. Ichi chikulumbulula nawu wukukeñekewa kuhana mpinji nimali eyi hakuvulisha chibalu chaniwu mukanda, hela kukwashana izanvu dikwawu kulonda atachiki. Mukwila ichi, wukukwasha amakwawu mukwenda kwawu naNzambi nikuyikwasha wena akeñi mukala wawu.

Vesi Yakanañachima

“Etu tuneluki, tunetiyi kukeña kwa Nzambi kwanatukeñiyi. Nzambi diyi kukeña muntu washakamaña mukukeña washakama mudi Nzambi, niNzambi washakama mudi yena.”

1 Yowanu 4:16

“Chamumweniwu himuntu, hakudizoza,
hakovwahila ho-o,
ndo nikukufwa,
eña kwokufwa kwakukulusu.”

Afwilipu 2:8

“Ilaña ejima amutambwili, wayinkeli ñovu yakwikala anyana kaNzambi, wownewawa akukuhwelela Ijina dindi wena chavwalikili kumashi hela mwatoñwelañawu antu hela mwawwalikañawu antuku, awwalikili kudi Nzambi.”

Yowanu 1:12-13

“Bayi mudilumbikilaña maheta hanu hamasekiku, hamaseki hadi tububu nindala yanoñeshaña, hadi amakombi alokolaña mata la nakwiya, chiña mudilumbikilaña maheta mwiwulu, mwabula tububu hela ndala yanoñeshaña, mwabula amakombi alokolaña mata la nakwiya. Muloña kukwikala maheteyi, diku kuwukusha nimuchima weyi nawa.”

Matewu 6:19-21

“Owu ejima etiyili hiyakwikala hohamu, yuma yiikala niyawu yebomba. Hiyakulandisha mahetawu niyuma yawu hiyakupañila akwawu ejima mwabulililuwu.”

Yililu 2:44-45

“Keñaku Yehova Nzambi yezi namuchima weyi wejima, nawumi weyi wejima, nañovu yezi yejima, namaana eyi ejima; keñaku nawa mukwenu neyi chiwadikeña eyi aweni.”

Luka 10:27

“Ilaña sambilenu kukeña wanta Windi nikuloña Kwindi niyuma yejima akuyishilaku.”

Matewu 6:33

“Nochu nachikuhwelela yowu kwiluka chalala netu yuma yitwachiñejaña yidi kwoku...yowu kwesekeja yuma yakadi kumonewa muloña dimu, chakadi kukuhwelela hichinatweshi kumutiyisha Nzambi kuwahaku, muntu wukwinza kudi Nzambi chinga etiya nindi wudi kwoku, nindi wasomonanga antu amukengakenganga.”

Aheberu 11:1 ni 6

“Kudi yamukunkulu yacheñi nayacheñi, ilaña Spiritu yowumu kudi nyidimu yacheñi nayacheñi, ilaña Mwanta yowumu. Kudi kukalakala kwacheñi nakwacheñi, ilaña Nzambi Yowumu wakalakalaña yuma yejima mudi ejima.”

1 Korinda 12:4-6

“Ninenu nawa chejeji chenu chitoñekeña kumesu awantu, kulonda amoneña nyidimu yenu yayiwahi, alemesheña tata yenu wudi mwiwulu.”

Matewu 5:16

Kwiluka

Keñaku Mukala Weyi

Keñaku Mukala Weyi mwekala yikunku
Ikumi yakutaña yinafwili kukwashaku eyi
hamu nizanvu dawamabwambu eseki
mwakukeñela Mukala Wawu chikupu
nansañu yayiwahi. Iwu mukanda
wukukwashaku eyi kwiluka muloñadi
chiwatela kudiñijamu muchituñilu chenu
nakukwashaku eyi kutoñojoka muwatela
kuchilila. Bayibu yinatwinki yifukula yalema
yakwila neyi tuhanjeka hamu nakusha
Yuma yejima munyidimu yikutukwasha
kuhimpa iluña detu hitwashakama.

Tuwanenu etu aha hadi hello@dignityonline.org.uk
hela aha +447340 573 937. Hadi ilung'a dezala
hachipu dikweti mwakwilukila na wuseya
tuwanenu hadi iyi keyala:
www.dignityonline.org.uk/publications

Lunda Kusoneka kwa Muchiwana
Kumwekesha: Amani Brown